

四庫全書

子部

欽定四庫全書

子部

御定淵鑑類函卷二百二十四

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣陸湘

謄錄監生臣何均

欽定四庫全書

御定淵鑑類函卷二百二十四

武功部十九

戟

戈

矛

稍

及

增槍

棒

增推

增枚

鉤鑣

戟

增釋名曰戟格也旁有枝格也車戟曰常長丈六尺車

前所持也八尺曰尋倍尋曰常故稱常也手戟手所持

擗之戟也說文曰戟有枝兵也戟讀若棘鑢鋤大戟

也增韻曰雙枝為戟單枝為戈方言曰戟楚謂之

子凡戟而無刃秦晉之間謂之鈇或謂之鎡吳揚之間謂之戈東齊秦晉之間謂其大者曰鎡胡其曲者謂之

句鈇鎡胡

又曰三刃枝

今戟中有小子刺者所謂雄戟也

南楚宛郢

謂之匡戟 博雅曰匡謂之雄戟 周書顧命曰一人

冕執戣立於東垂一人冕執瞿立於西垂注戣瞿皆戟

屬 周禮注云戈今時句子戟疏曰鄭舉漢法以況之

漢時見戈有旁出者為句子亦名胡子 考工記注云

戈今句子戟也或謂之雞鳴或謂之擁頸 原太公兵

法云戟之神名大將 風土記云植則龍虎交互神變

無常注曰言用雙戟之法交軹相向左手為龍右手為

虎更出更入更上更下上下無常隨變而改顛倒入懷

轉如回風 增趙氏兵書曰戟參星主之 淮南子時

則訓曰孟夏之月其兵戟

注戟有枝幹象陽布散也

官志曰武器

署凡戟廟社宮殿之門二十四東宮之門一十八一品

之門十六二品及京兆河南太原尹大都督大都護之

門十四三品及上中都督上都護上州之門十二下都

督下都護中下州之門各十

戟二

增左傳曰莊公四年楚武王荆尸授師子焉以伐隨

又曰鄭公子歸生受命於楚伐宋宋華元御之戰於大棘宋師敗績囚華元狂狡賂鄭人鄭人入於井倒戟而出之獲狂狡君子曰失禮違命宜其為禽也 又曰襄

公二十三年欒氏乘公門范鞅用劔以帥卒欒氏退攝車從之遇欒樂曰樂免之死將訟女於天樂射之不中

又注則乘槐本而覆或以戟鈎之斷肘而死 師覺授

孝子傳曰仲子崔者仲由之子也子路仕衛赴蒯瞶之

亂衛人孟縶遂殺之子崔既長欲報父仇縶知之曰夫

君子不掩人之不備須後日於城西決戰其日縶持蒲

弓木戟與崔戰而死 漢書灌夫傳曰吳楚反父孟死

吳軍中夫奮曰願取吳王若將軍頭以報父仇於是夫

被甲持戟募軍中壯士所善願從數十人及出壁門莫

敢前獨兩人及從奴十餘騎馳入吳軍至戲下所殺傷

數十人 又韓延壽傳曰在東郡試騎士建幢祭功曹

引車皆駕四馬載祭戟 後漢書吳漢傳注曰漢躬被

甲拔戟令諸部將曰聞雷鼓聲皆大呼俱進後至者斬  
遂鼓而進之 又杜詩傳曰建武元年歲中三遷為侍

御史安集洛陽時將軍蕭廣放縱兵士暴橫詩殺廣還

以狀聞世祖召見賜以祭戟 陳壽益部耆舊傳曰張

霸遷會稽太守是後盜賊衰少野無遺寇童謠曰棄若

戟棄若矛盜賊盡吏皆休 蕭廣濟孝子傳曰魏陽不



知何處人獨與父居父有刀戟市南少年求之陽曰老  
父所服不敢相許少年怒道逢陽父毆擊之陽叩頭請  
罪父沒陽斷少年頭以謝父冢前 晉書曰楊駿字文  
長為賈后所誅初溫縣有人如狂造書曰光光文長大  
戟為牆毒藥雖行戟還自傷及駿居內府以戟為衛至  
兵入駿府逃於馬廐以戟殺之 隋書柳彧傳曰彧為  
屯田侍郎時制三品以上門皆列戟左僕射高潁子弘  
德封應國公申牒請戟或判曰僕射之子更不異居父

之戟槊已列門外尊有壓卑之義子有避父之禮豈容  
外門既設內閣又施事竟不行頗聞而歎服 通鑑宋

紀曰徽宗崇寧四年中書省請擇公卿子弟執戟以衛  
軒墀遂命置三衛郎曰親衛曰勳衛曰翊衛既又改三  
衛郎為三衛侍郎 兵畧纂聞曰都督劉聚討處州賊  
時伐竹製鴨兒芭三百五十面遇賊輒樹芭為壘戟入  
即不復出 又曰李文忠救新城戰既合文忠乘匹馬  
挺身先入陷其中軍中軍敵之精銳所萃見文忠至競

來迫之槍屢及膝文忠馬上運戟捷如風雨當其鋒者  
應手而仆

### 戟三

增曲戟

闌戟

後漢書馮衍傳衍遺田邑書曰晏嬰臨  
盟擬以曲戟不易其辭又與服志曰

大駕前驅有  
鳳皇闌戟

瑞靱

雍狐

齊書曰宋升平三年尤里  
封人於官湖際得瑞靱戟

三枝

管子曰黃帝問於伯高伯高曰雍狐之山  
發而出水金從之蚩尤受而制之以為雍狐之戟

雞

鳴

鳥集

張敞晉東宮舊事曰東列崇福門門各羌楯  
十幡雞鳴戟十張

唐書柳仲郢傳曰咸通

五年為天平軍節度使初仲郢為諫議大夫後每遷必  
烏集升平里第庭樹戟架皆滿五日乃散及是不復集

卒於

有衣

無掌

漢書匈奴傳曰甘露三年賜單于祭戟十注有衣之戟 宋朝志曰

鈇戟無掌有小橫木鈇插也本插車傍小戟同

原兼五兵

廣寸半

風土記云戟長

一丈三尺奮揚俯仰能兼五兵

周禮冶氏職云戟廣寸有半寸內三之胡四之援五之鄭注戟今三鋒戟也

內長四寸半胡長六寸援長七寸半

除殘惡

戒非常

焦贛易林云明夷之未濟桃弓

輦戟除殘去惡敵人執服下見李尤銘

增鑄農器

坐鐵室

家語曰孔子北遊登

於農山之上子路子貢顏回侍側孔子曰二三子各言爾志吾將擇焉顏回曰曰願得明王聖主而相之數其

五教導之禮樂使城郭不修溝池不越鑄劍戟為農器放牛馬於原藪室家無離曠之思千載無戰鬪之患夫

子慄然曰美哉德也

魏文帝自敘曰擁

獲古戟

兩楯是謂閉木戶持雙戟是謂坐鐵室

得奇戟

唐書尹思貞傳曰其家坎地獲古戟十二俄而

忌之使人索捕思平逃匿得奇戟於品甸波大村又得神驥於葉鏡湖飢摘野桃剖之核膚有文曰青昔思平

折之曰青乃十二月昔乃二十一今楊氏政亂吾當以是日舉義乎遂借兵東方黑繫松繫三十七部皆助之

原甘寧舞戟

太祖舞戟

吳書云凌統怨甘寧殺其父會酒酣統拔刀舞寧雙

戟舞詳刀

孫盛異同雜語云太祖嘗私入中常侍張

讓室讓覺之

太祖乃舞戟於庭前踰垣而出材力過人

莫之

奮戟將戰

持戟挑戰

家語詳劍史記云項羽令壯士出挑戰漢有

能害

善騎射者樓煩楚挑戰三合樓煩輒射殺之羽大怒乃自被甲持戟挑戰樓煩欲射之羽瞋目叱之樓煩目不

敢視手不敢發遂走

執戟殿旁

橫戟當馬

東方朔傳云武

還入壁不敢復出

帝坐未央前殿天雨新止朔執戟立在殿陛遙指獨語  
上見呼問之朔對曰殿後柏樹上有鵲立枯枝上東向  
鳴上遣侍中視之如朔言上問何以知之朔曰風從東  
來鵲尾旁風則順背風則蹙必當順風而立故知東向  
鳴也新雨生枝滑故枝澀故立枯枝上上大笑賜帛十  
疋戰國策云齊王建入朝於秦雍門司馬橫戟當馬  
前曰所為立王者為社稷王何以  
去社稷而入秦王不聽遂入秦

操戟立門 持戟

勒門

晏子云景公飲酒移於榘苴家榘苴介冑操戟立  
於門曰鋪薦席陳簠簋者有人臣不敢與續漢

書云楊仁詔補北宮衛士及帝崩時諸馬貴威  
各爭欲入宮仁被甲持戟嚴勒門衛莫敢輕進

呂布

射戟

王胡持戟

英雄記云劉備屯小沛袁術遣將紀  
靈攻備呂布曰布不喜合鬪但喜解

鬪令營門中舉一隻戟布言諸君觀布射戟小支一發  
中者諸軍解去不中可留決鬪布舉弓射戟正中小支

王隱晉書云馬咸為成都王前鋒與陸機同起兵討長沙王軍司馬王胡率衆討咸於市馬咸牢不動胡乃領數十騎下馬持戟刺

咸咸馬驚奔潰遂敗

雙戟投虎

手戟備虎

吳志孫權

乘馬射虎慶亭馬為虎所傷權投以雙戟虎遂卻  
苑云彭城劉雅為京府佐被使還都路經竹里亭多虎  
劉自防衛以牛馬置戶前手持戟布於地上以  
備虎宵中士庶同睡虎乘間跳入獨取劉而去  
拔戟

斫几

以戟擗孕

英雄記云呂布使陳登詣曹操求徐州牧不得登還布怒拔戟斫几曰卿

父勸吾協同曹公絕婚公路今吾所求無一獲而卿父子並顯重但為卿所賣耳  
王隱晉書云賈妃酷妬以

戟擗諸孕子者兒皆墮地

持戟大呼

負戟長歎

魏志云太祖討呂布濮陽布有

別屯在濮陽西四五十里太祖夜襲比明破之未及還會布救兵至三面掉戟典韋手持十餘戟大呼起戰所

抵無不應手倒者布衆退卻李陵荅蘇武書云陵先  
將軍功畧蓋天地義勇冠三軍徒失貴臣之意劉身絕  
域之表此功臣義士所以負戟而長歎者也

擔戟行歌

棄戟學問

新序云趙

簡子上羊腸之坂羣臣皆偏袒推車唐會獨擔戟行歌  
不推車魏畧云徐庶少好任俠為人報仇而走為吏  
所得乃感激棄其刀戟

子都拔戟

靈輒倒戟

左傳云鄭

伯將伐許授兵於太宮公孫闕字子都與穎考叔爭車  
考叔挾輶以走子都拔戟以逐之及大逵弗及子都怒  
又云趙宣子田於首山舍於翳桑見靈輒曰不食三  
日矣食之舍其半問之曰請以遺母使盡之而為之簞  
食與肉寘諸橐以與之既而與公介倒戟以禦公徒問其故對曰翳桑之餓人也

持戟百萬

長戟百萬

漢書云田肯賀上曰齊形勝之國也帶河  
阻山懸隔千里持戟百萬非親子弟莫可



使王齊者 陳琳為袁紹檄豫州云幕府奉漢威靈折衝宇宙長戟百萬胡騎千羣

千將雄戟

金鈴大戟

司馬相如子虛賦云曳明月之珠旗建干將之雄戟 陶侃表云伏惟武庫傾蕩宿

衛有失輒簡選其差可者 奉獻金鈴大戟五十張

虎戟交鍛

關戟皮軒

張衡

東京賦云郎將司階虎戟交鍛龍輅充庭雲旗拂霓 蔡邕獨斷云前驅有九旂雲罕關戟皮軒

作

戟棄市

失戟免官

孫盛奏事云違令者私作鎧一領弩弓七石以上十張戟十枚以上

皆棄市 傳咸集云太廟令徐充坐廟門失戟免官

增拔戟成隊

奮戟呼趨

左傳曰襄公十年諸侯伐偃陽狄虎彌建大車之輪而蒙之以甲以為櫓左執之右拔戟以成一隊 後漢書

姚期傳曰光武署期為賊曹掾從狗薊時王郎檄書到薊薊中起兵應郎光武趨駕出百姓聚觀誼呼滿道遮

路不得行期騎馬奮戰瞋目大呼左右曰趕衆皆披靡

持一雙戟 請十二戟

魏志典韋傳曰韋好持大雙戟與長刀等軍中為之語曰帳下壯士有典君持一雙戟八十斤 唐書韋綬傳

曰綬為山南西道節度使請門戟十二以行

壞為戲具 用以前驅

吳志孫綝

傳曰綝遣中書郎李崇奪孫亮璽綬徵立瑯琊王休奉書於休曰綝以薄才見授大任不能輔導陛下頃月以來多所造立親近劉承悅於美色敗壞藏中矛戟五千餘枚以為戲具 晉崔豹古今注曰祭戟父之遺象也

以木為之後代滋偽無復典刑以赤油韜之謂之油戟亦曰祭戟王公以下通用之以前驅

交戟

又頸 操戟旁車

魏志注世語曰舊制三公領兵入見皆交戟又頸而前初曹公將討張綉

入覲天子時始復此制公自是不敢朝見 史記商鞅傳趙良曰持矛而操闔戟者旁車而趨注索隱曰亦作

鈞

三戟崔家 三戟張家

唐書崔琳傳曰琳與弟珪瑤俱列祭戟號三戟崔家

又張儉傳曰儉弟兄三人立戟號三戟張家

兄弟列戟

父子賜戟

唐書李峴

兄弟同居長興里第門列三戟又李愿傳曰愿父子皆賜戟

故里列戟

同時列

戟

又張介然傳曰介然入秦稱旨賜與良渥介然啓曰臣位三品當給祭戟若列於京師雖富貴不為鄉人

知願得列戟故里玄宗許之別賜戟京師第門仍賜綃五百疋宴閭里長老本鄉得列戟自介然始又韋斌

傳曰斌拜銀青光祿大夫時兄陟守河東從兄由為右金吾將軍縉為太子少師四第同時列戟衣冠罕比

東方辟戟

宗起辟戟

漢書東方朔傳曰上為寶太主置酒宣室使謁者引內董

君是時朔陞戟殿下辟戟而前曰董偃有斬罪三安得入乎薛宗起不得入郡姓辟戟爭於帝前乃取入郡

姓

王濬欲容

韓滉不請

晉王濬起宅門前路令廣數十步曰吾欲容長戟幡

旗人咸笑之

唐韓滉傳曰滉居處陋薄取蔽風雨門當列戟以父時第門不忍壞乃不請

獅子

唯畏鉤戟

玉精刺以桃戟

東晉發蒙記曰獅子五色而食虎於巨木之岫一噬

則百人仆唯畏鉤戟

顧愷啓蒙記曰玉精名委似美女而青衣見以桃戟刺之以其名呼之可得也

戟四

增一又入輒十餘矛摧

魏志典韋傳曰張綉反襲太祖營太祖出戰不利輕騎引去韋

戰於門中以長戟左右擊之一又入輒十餘矛摧左右死傷者畧盡韋被數十創短兵接戰賊前搏之韋雙挾兩賊擊殺之餘賊不敢前

火如懸燭

搜神記曰成都王之攻長沙也反軍於鄴內外陳兵是夜

戟鋒皆有火遙望如懸燭就則亡焉

持戟蓬轉而出

崔鴻前趙錄曰杜育字子光濮陽人

少為賊其母每怒育曰天下將亂且以習膽如意望封侯不如意但不使他人斫頭嘗為賊圍衣甲三重持戟

蓬轉而出

得戟名縣

唐書李齊物傳曰天寶初為陝州刺史開砥柱通漕路發重石下得古鐵

戟若鐔然銘曰平陸上之詔以名縣

三品始聽立戟

又盧坦傳曰舊制官階勲俱三品始

聽立戟後雖轉四品官非貶削者戟不奪坦為戶部侍郎時階朝議大夫勲護軍以嘗任宣州刺史三品請立戟許之時鄭餘慶淹練舊章以為非是為憲司劾正詔罰一月俸奪戟自貞元以來立戟十八家不應令並追正之

釋練拜賜

又呂諲傳曰上元初加同中書門下三品當賜門戟或勸諲以凶服受吉賜不

宜諲釋練拜賜人譏其失禮

戟五

增詩魏應璩詩曰丈夫要雄戟更來宿紫庭今者宅四海誰復有不并

增賦晉傅元朝會賦曰流蘇粲粲華蓋重陰羽林虎旅長戟櫛櫛

增銘漢李尤戟銘曰鼓戟之設以戒非常乘執操持邪暴是防須臾之分終日為殃山陸之禍起於毫芒 晉張協手戟銘曰鋌鋌雄戟淬金鍊鋼名配越棘用過干

將嚴鋒勁校摘鐔耀芒  
張載劔閣銘曰一人荷戟萬

夫趙趙

增疏漢書鼂錯上言兵事曰兩陣相近平地淺草可前  
可後此長戟之地也劔楯三不當一 又息夫躬上疏  
歷詆公卿大臣曰諸曹以下僕遼不足數卒有強弩圍  
城長戟指闕陛下誰與備之

增論史記賈誼過秦論曰陳涉以戍卒散亂之衆數百  
奮臂大呼不用弓戟之兵鉏耰白梃橫行天下秦人長

戟不刺強弩不射楚師深入戰於鴻門曾無藩籬之艱  
又曰鉏耰棘矜非鏃於鉤戟長鍛也

戈一

增釋名曰戈句子戟也戈過也所刺擣則決過所鈎引  
則制之不得過也 易曰離為戈兵 周書曰允之戈  
和之弓垂之竹矢在東房 詩曰彼候人兮荷戈與祿  
禮記曰春夏學干戈秋冬學羽籥皆於東序 又曰  
籥師學戈籥師承贊之 又曰能執干戈以衛社稷



周禮曰司戈楯掌戈楯之物而頒之 又曰金有六齊  
四分其金而錫居一謂之戈戟之齊 五經要義曰國  
君及元率戎車將在中央當鼓御者在左勇力之士執  
戈在後 陸景典語曰戈刀雖備於執事而無所揚其  
鋒

戈二

增禮記曰武王克商濟河而西倒載干戈包之以虎皮

名之曰建橐

建讀為鍵鎖也橐韜兵器之具兵器皆以鍵橐閉藏之示不用也

左傳

曰晉楚戰於鄢陵楚晨壓晉軍而陳軍吏患之范丐趨  
進曰塞井夷竈陳於軍中而疏行首晉楚唯天所授何  
患焉文子執戈逐之曰國之存亡天也童子何知焉

劉向說苑曰景公有馬其圉人殺之公怒援戈將自擊  
之晏子曰此不知其罪而死臣請為君數之公曰諾晏  
子舉戈而臨之曰汝為吾君養馬而殺之而罪當死汝  
使吾君以馬之故殺圉人而罪又當死汝使吾君以馬  
故殺人聞於四鄰諸侯汝罪又當死公曰夫子釋之夫

子釋之勿傷吾仁也 博物志曰武王伐紂度河大風

波武王操戈秉麾麾之風波立濟

### 戈三

原止戈

戢戈

左傳止戈為武  
詩載戢干戈

增失戈

委戈

左傳  
曰秦

伐晉戰之明日晉襄公縛秦囚使萊駒以戈斬之囚呼  
萊駒失戈狼睥取戈以斬囚禽之以從公乘遂以為右  
唐書馮盎傳曰盎進討番禺賊兵始合輒釋  
曹大呼曰若等識我耶衆委戈袒而拜賊遂潰

殺犬

擊蛻

左傳曰襄公十八年晉侯伐齊范鞅門於雍門  
其御追喜以戈殺犬於門中示閒暇也 搜神

記曰有崔文子者學仙於子高子高化為白蛻而持藥  
文子驚怪引戈擊蛻中之因墮其藥俯而視之王子喬

之尸也置之室中覆以弊筐須臾而化為大鳥開而視之乃竟翻飛而去

隨風

開雪高貴

鄉公詩曰干戈隨風靡武騎應鴈行杜甫詩曰戈鋌開雪色

林竦

林植

張協七命曰舉

戈林竦揮風電滅李德裕幽州紀功碑介冑雪照戈矛林植

原援八寸

秘六尺

周禮冶氏職云戈廣二寸內倍之胡三之援四之鄭注云戈今句子戟也或謂之雞鳴或謂之擁頸內謂胡以

內接秘者也長四寸胡六寸援八寸鄭司農云援直刃也胡其子又云廬人為廬器戈秘六尺有六寸鄭注

云秘猶

擊闔廬

逐子犯

左傳云吳伐越越子句踐禦之陳於檣李靈姑浮以

戈擊闔廬傷將指取其履注曰其足大指見斬遂失屨姑浮取之又云晉公子重耳及齊齊桓公妻之公

子安之姜與子犯謀醉而遣之醒以戈逐子犯

增執寢戈

杖雄戈

又云齊慶封好

田而嗜酒與慶舍政盧蒲癸臣子之與王何二人皆嬖使執寢戈而先後之嘗於太公之廟慶舍蒞事盧蒲癸自後刺子之王何以戈擊之解其左肩猶援廟桷動於甕以俎壺投殺人而後死孔欣七誨曰攜同好命爪牙攝烏虎杖雄戈綠山結網參雲張羅

賜琱戈

揮吳戈

漢書郊祀志曰宣帝時美

陽得鼎獻之張敞好古文字案鼎銘勒而上議曰今鼎出於邠東中有刻書曰王命尸臣官此枸邑賜爾旂鸞黼黻琱戈離騷曰揮吳戈兮被犀甲車錯轂兮短兵接

翻落日

懸落星

陳子昂集

曰戈翻落日刀決浮雲記纂淵海曰戈文耿耿懸落星馬足駸駸擁飛電

原以戈舂喉

枕戈待旦

魯叔孫得臣戰獲長狄僑如而富父終生以戈舂其喉而殺之下劉琨事

前鎛後刃

稱戈立矛

曲禮云進戈者前其鎛後其刃鄭注云後刃敬也孔疏云戈如

戟而橫安刃直刃長八寸橫刃長六寸刃下接柄處長四寸並廣二寸刃當頭而利者也利故不持向人也鑄在尾而鈍鈍向人為敬所以前鑄後刃也尚書云武王左杖黃鉞右秉白旄以麾曰逖矣西土之人稱爾戈比爾干立爾

矛予其誓

執戈而舞

衡戈見使

莊子云孔子窮於陳蔡七日不

食絃歌鼓琴子路佗然執戈而舞

國語云秦師侵晉

惠公令韓簡挑戰曰昔君之惠寡人未之敢忘寡人有

衆能合而弗能離也君若還寡人之願也君若不還寡

人將無所避穆公衡執雕戈出見使者曰昔君之未入

寡人之憂也君入而列未成寡人未敢忘

援戈撝日

今君既定而列成君其整列寡人將身見

執戈洗馬

淮南子云魯陽公與韓構難戰酣日暮援戈而撝之日反三舍注曰魯陽楚人也司

馬期之子楚僭號稱王其守縣大夫皆稱公故曰魯陽公今南陽是也韓子云句踐入臣於吳執戈為吳王

洗馬故能殺  
夫差破姑蘇

戈鋌彗雲

戈矛若林

班固東都賦云  
元戎竟野戈鋌

彗雲羽旄埽電旌旗拂天

張衡東京賦云

前徒倒

戈 入室操戈

書武成 何休曰康成入  
吾室操吾戈以伐吾乎

鍛乃戈矛

修我戈矛

上書  
下詩

斬木為干

範金成刃

增纂弁

執戈

桃茢執戈

周書曰四人纂弁執戈上刃夾  
兩階祀 禮記曰桃茢執戈

旅

賁夾車

方相驅疫

周禮曰旅賁氏掌執戈盾夾王車  
而趨左八人右八人車止則持輪

喪紀則衰執戈盾軍旅則介而趨 又曰方相氏  
掌蒙熊皮執戈揚盾帥百隸而時儺以索室驅疫

宗

魯斷肱 由于中肩

左傳曰衛公孟縶狎齊豹奪之司  
寇與鄆公孟惡北宮喜褚師圃欲

去之公子朝通於襄夫人宣姜懼而欲以作亂故齊豹  
北宮喜褚師圃公子朝作亂公孟有事於蓋獲之門外  
齊子氏帷於門外而伏甲焉使祝龜寘戈於車薪以當  
門使一乘從公孟以出使華齊御公孟宗魯驂乘及閼  
中齊氏用戈擊公孟宗魯以背蔽之斷肱以中公孟之  
肩皆殺之又曰吳入郢楚昭王涉睢濟江入於雲中  
王寢盜攻之以戈擊王王  
孫由于以背受之中肩

挈戈而隨

橫戈而進戰

策曰中山君饗都大夫羊羹不徧司馬子期怒而走於  
楚說楚王伐中山中山君亡走有二人挈戈而隨中山  
君顧謂二人子奚為者也二人對曰臣有父當餓將死  
君下壺餐餬臣之父故來死君也中山君慨然仰天歎  
曰吾以一杯羊羹亡國以一壺餐得士二人 呂氏春  
秋曰趙簡子攻衛附郭自將遠立又居於屏蔽犀櫓之  
下投袍而歎曰嗚呼士之邀弊盡一若此乎行人燭過  
免胄橫戈而進曰亦由君不能耳士又何弊之有簡子



乃去屏蔽犀櫓而立於矢石之所及一鼓而士乘之簡  
子曰與我得革車千乘也不如聞行人燭過之一言

原置自廬人之手 春其長狄之喉 魯陽是麾且

聞駐景 富父斯用亦見春喉

### 戈四

增抽戈結衽

左傳曰晉胥童夷羊五帥甲八百將攻郟氏長魚矯請無用衆公使清沸魋助之抽

戈結衽而偽訟者三郟將謀於榭矯以戈殺駒伯苦成叔於其位溫季曰逃威也遂趨矯及諸其車以戈殺之

皆尸

衣製杖戈

又曰晉荀瑶帥師伐鄭鄭駟弘請救於齊陳成子救鄭及濮雨不涉成子

衣製杖戈立於阪上馬不出者助之鞭之智伯聞之乃還曰我卜伐鄭不卜敵齊

執荻為戈

元晏春秋曰七年春王正月乙酉予長七尺四寸矣未通史書與從姑子梁柳等擊壤於路或編荆為楯執荻為戈分陳相刺習兵共以為樂

### 戈不苟撲

應貞華覽曰萬夫決拾武騎齊足乘夷長森分行列

屬弓不虛彎

### 左手持干戈

錦繡萬花谷曰皇朝曹彬字國華始生周歲日父母

戈不苟撲

以百翫之具羅於席觀其所取彬左手持干戈右手取俎豆斯須取一印他無所視其後太祖以彬清介庶謹

拜宣徽南院使

### 六字

詞林海錯曰李伯時得雕戈蟲鳥書黃金文銘六字曰王用父

作雕

### 號硬軍

八編類纂曰女真凡用兵以戈為前行號硬軍刀劒自副弓矢在後弓力不過

七斗箭鏃至六七寸形如鑿八不可出非五十步不射

### 戈五

增詩唐李嶠詠戈詩曰富父春喉日殷辛漂杵年曉霜  
含白刃落影駐雕鋌夕擯金門側朝提玉塞前願隨龍  
影度橫闕陣雲邊

明劉基長平戈頭歌曰長平戰骨

煙塵飄歲久遺戈金不銷野人耕地初拾得土花漬出  
珊瑚色邯鄲小兒強解事枉使泥沙埋利器四十萬人  
非少弱勇怯賢愚一朝棄陰坑血冷秋復春朽壤食盡  
蒼蛇鱗湮淪長愧杜郵劍廢墜空憶春喉人故壘中宵  
鬼神入雲愁月暗戈應泣嗚呼當時豈無牧與頗戈乎

不遇可奈何

增頌後漢崔駰北征頌曰人事協兮皇恩得金精揚兮  
水靈伏順天機兮把刑德戈所指兮罔不剋

矛一

增釋名曰矛冒也刃下冒矜也下頭曰鑕鑕入地也松  
櫝長三尺其矜宜輕以松作之也櫝速櫝也前刺之言  
也矛長丈八尺曰稍馬上所持言其稍稍便殺也又曰  
激矛激截也可以激截敵陣之矛也仇矛頭有三叉言

可以討仇敵之矛也夷矛夷常也其矜長丈六尺不言  
常而云夷者言其可夷滅敵亦車上所持也殺矛長九  
尺者也殺霍也所中霍然即破裂也 方言曰五湖之  
間矛謂之鉞或謂之鉞或謂之鉞其柄謂之矜 書牧  
誓曰稱爾戈比爾干立爾矛 禮記曰進矛戟者前其  
鏃後其刃 尉繚子曰殺人於百步之外者弓矢也殺  
人於五十步之內者矛戟也 六韜曰紂之卒握炭流  
湯者十八人綰矛殺百步之外者千人

矛二

增左傳曰齊伐魯冉有用矛於齊師故能入其軍 晉

書載記曰蜀李雄無事小出丞相楊裒於後持矛馳馬

過雄雄怪問之對曰夫統天下之重者如乘惡馬而持

矛也急之則慮自傷緩之則懼其失是以馬馳而不制

也雄寤即還 劉敬叔異苑曰河間沐堅字辟強石勒

時監作水田御下苛虐百姓怨毒為堅形以刃矛斫刺

咒令速斃堅尋得病若被捶割於是遂殞 唐李光弼

傳曰光弼有裨將援矛刺賊洞馬腹光弼賜絹五百疋

### 矛三

原賊舉

鬼持

列女傳云巴趙娥者趙萬之妻遭亂萬

守喪不去賊舉矛指娥欲以怖之娥知賊必劫掠乃以身赴矛貫胸造背而死

魏志管輅傳云時信都令家

婦女驚恐更互疾病使輅筮之輅曰君北堂西頭有兩死男子一男持矛一男持弓箭頭在壁內脚在壁外持

矛者主刺頭故頭重痛不得舉也持弓箭者主射胸腹故心中懸痛不得飲食也晝則浮遊夜來病人故使驚

恐也於是掘徙骸骨家中皆愈

增剡木

成林

史記平原君傳曰秦急圍邯鄲邯鄲傳舍

吏子李談謂平原君曰邯鄲民困兵盡或剡木為矛矢而君之器物鐘磬自若使秦破趙君安得有此

魏文

帝詩曰戈矛成山  
林元甲曜日光

原如鶴脰

如錐鐵

方言云矛散細如鶴脰者

謂之鶴膝案散音敲脰也  
元年到任有見兵二百馬如殺羊矛如錐鐵盾如榆葉

張奐與崔子真書云僕以

仗勃盧

逐左慈

越絕書云越王被賜夷之甲仗勃盧之矛舞步光之劍

神仙傳曰

左慈見吳王孫討逆欲殺之後出遊請慈俱行使慈行  
於馬前欲自後刺殺之慈在馬前著木屐拄一竹杖徐  
徐而行討逆著鞭策馬操矛逐之終不能及討逆知其有術乃止後仙去

增以矛搥

以

矛援

魏畧曰閭行金城人後名鮑字彥明少有健名始為小將隨韓約建安初約與馬騰相攻擊騰子超

亦號為健行嘗刺起矛折因以矛搥超幾殺之五代史曰明宗出涿州遇契丹與戰不勝諸將各少引去而  
晉高祖獨戰不已契丹漸合而圍之李瓊引高祖衣與  
俱遯至劉李河而追兵且及瓊浮水先至南岸高祖至



河中流馬踏瓊以長矛援出之又以所乘馬與高祖而步護之走十餘里乃得免

### 原二矛重

英 公矛鏐鎛

毛詩云二矛重英河上乎翺翔傳曰重英矛有英飾也鄭箋云二矛酋矛夷矛

也各有畫飾

又云倭駟孔羣公矛鏐鎛蒙伐有苑毛

傳曰公三隅矛也鎛鎛也案曲禮曰進矛戟者前其鎛

是矛之下端當有鎛也彼注云銳底曰鎛平底曰鎛則鎛鎛異物言鎛鎛者取類相明非訓為鎛也

以

矛陷盾

用之獻吳

韓子云人有鬻矛盾者譽之曰吾盾之堅物莫能陷也又譽其矛曰

吾矛之利於物無不陷也或曰以子之矛陷子之盾何如其人弗能應也 吳越春秋云越以屈盧之矛步光

之劍獻之吳王

增木履持矛

連鎚輔矛

晉太康起居注詔曰諸王中尉及諸

軍皆典兵以備不虞乃有著中戰衣木履持長矛者此為兒戲而無相彈懾也 唐書南蠻傳節度牛叢責坦

縛書曰今吾有十萬衆捨其半未用以千人為軍  
十軍為部驍將主之凡部有短矛二百連鉞輔之

據

宛景矛

作十折矛

樂府左延年秦女休行曰始出在西門遥望秦氏廬秦氏有好女自

名為女休女休十四五為宗行報讐左執白陽刀右據  
宛景矛 諸葛亮集曰勅作部皆作五折剛鎧十折矛

以給

挾矛驍馬

叢矛注矢

唐書王難得傳曰難得為河源軍使吐蕃普贊

子郎支都者恃趨敏乘名馬寶鈿鞍畧陣挑戰甚間暇  
無敢校者難得怒挾矛驍馬馳支都不暇鬪直斬其首  
明皇壯其果召見令殿前乘馬挾矛作刺賊狀帝大悅  
賜錦袍金帶 又安祿山傳曰祿山率河東兵討契丹  
次天門嶺會雨甚弓弛矢脫不可用祿山督戰急何思  
德曰士方疲宜少息使使陳利以脅賊賊必降祿山怒  
欲斬以軍令乃請戰思德貌類祿山及戰虜叢矛  
注矢邀取之傳言祿山殺矣奚聞亦叛夾攻祿山

原

生角有赤風

生火主兵氣

春秋運斗樞云行室遙光則矛生角矛生角則有赤

風漢書西域傳云車師後王姑句家矛端生火其妻

股紫阪謂姑句曰矛端生火此兵氣也利以用兵前車

師前王為都護司馬所殺今久繫必死不如降匈奴即

馳入匈奴王莽遣使告單于西域內屬不當得受單于

謝罪執姑句以付

增使矛不得刺

擁矛不敢動

魏

使者王莽殺之

曰曹公征馬超議者多言關中兵強習長矛非精選前

鋒則不可以常也曹公謂諸將曰戰在我非在賊也雖

習長矛將使不得以刺諸君但觀之唐書哥舒翰傳

曰翰嘗逐賊馬驚陷於河吐蕃三將欲刺翰翰大呼皆

擁矛不敢動救

兵至追殺之

## 矛四

原名天矢陰

龍魚河圖云  
矛名天矢陰

神名跌蹌

太公兵法云  
矛之神名跌蹌

手執兩矛

魏志云公孫瓚手執  
兩矛殺鮮卑數十人

瞋目橫矛

蜀志云  
先主為

曹公所逐棄妻子走令張飛將二十騎拒後據水斷  
橋瞋目橫矛曰我張翼德也可來決死戰無敢進者

增亡戟得矛

呂氏春秋曰齊晉相與戰平阿餘子亡戟  
得矛退而不自決謂路人曰亡戟得矛可

以歸乎路人曰戟亦兵也矛亦兵也亡兵得兵何為不  
可以歸心猶不決遇高唐之孤叔無孫當其馬前曰今  
者戰亡戟得矛可以歸乎叔無孫曰矛非戟也戟非  
矛也亡戟得矛豈無責乎阿餘子曰嘻還反戰死之

挾二矛策馬亂流而進

通鑑唐紀曰史思明引兵攻河  
陽使驍將劉龍仙詣城下挑戰

龍仙恃勇舉右足加馬鬣上嫚罵光弼光弼顧諸將曰  
誰敢取彼者白孝德請行光弼問須幾何兵對曰請挺

身取之光弼壯其志然固問所須對曰願選五十騎出  
壘門為後繼魚請大軍助鼓譟以增氣光弼撫其背而  
遣之孝德挾二矛策馬亂流而進龍仙見其獨來甚易  
之稍近將動孝德搖手示之若非來為敵者龍仙不測  
而止去之十步乃與之言龍仙嫚罵如初孝德息馬良  
久因瞋目謂曰賊識我乎我白孝德也龍仙曰是何狗  
彘孝德大呼運矛躍馬搏之城上鼓譟五十騎繼進龍  
仙矢不及發環走隄上孝德追及斬首攜之以歸賊衆  
大駭擲級承矛唐書羅士信傳曰士信擊賊雖水上陣  
纔列執長矛馳入賊營刺殺數人取一  
級擲之承以矛戴而  
行賊皆胎懼無敢亢

### 矛五

增詩唐元稹詩曰判身入矛戟輕敵比錙銖 韓愈聯

句詩曰雨矢逐天狼電矛驅海若

增銘周武王踐阼矛之銘曰造矛造矛少間弗忍終身之羞

稍一

增唐書百官志曰京官五品以上征行者假甲纛旗旛稍  
開元禮義鑑曰金吾將軍執褾稍騎棒也以黃金塗末執以扈蹕義羅曰褾擊聲也形如劒而三刃連柄及鋒長三尺五寸以虎豹皮為袋其制起於秦漢 李

綽輦下歲時記曰御殿御樓金吾爆稍前引爾雅云爆牛幫牛也抵觸百獸無敢當者仗內有爆稍庫刻爆牛首於上如龍虎節之狀碧油籠之宋景祐五年重制如李綽之說以銅為鑄今八稍安於朝堂行禮以前導其夾大將軍者亦名衛司爆稍

從予者字書不載開元開寶禮作爆

## 稍二

原梁沈約宋書曰高祖伐廣固孟龍符乘勝追奔後騎不能及賊數千騎圍繞之龍符奮稍接戰輒殺數十人

後魏書曰于栗磾築壘於河上親自守焉裕甚憚之  
遺栗磾書假道西上題書曰黑稍公麾下栗磾以聞太  
宗太宗因授黑稍將軍

注栗磾嘗用黑稍故劉裕有此呼

語林云桓

宣武與殷劉談不如意喚左右取黃皮袴褶上馬持稍  
數迴或向劉或擬殷以示武勇 又曰周伯仁被收路  
經太廟大呼宗廟之靈以稍刺地大罵王敦 靈鬼志  
曰河間王顥既敗於關中有給使陳安者常乘一赤馬  
俊快非常雙持二刀皆長七尺馳馬運刀所向披靡關



西為之歌曰壘上健兒字陳安頭細面狹腸中寬丈八  
大槩左右盤 增後魏書曰來大千驍果善騎射嘗從  
太宗獵見虎在高巖上大千持稍直前刺之應手而死  
北齊書曰文宣嘗在晉陽以稍戲刺都督尉子輝應  
手即殞 五代史曰李嗣恩從李嗣昭援朱友謙於河  
中與梁兵力戰稍中其口戰不已 又曰梁軍呼李罕  
之曰沙陀將無穴以自處復誰恃而不降李存孝以精  
騎五百繞梁柵而呼曰我沙陀之未穴者待爾肉以食

軍可令肥者鬪梁驍將鄧季筠引軍出戰存孝舞稍擒之

稍三

增折樹

綴鈴

三國典畧曰羊侃字祖忻嘗從梁主宴樂游苑時少府啓兩刃稍成長二丈四

尺三寸梁主因賜侃河南國紫騮馬令試之侃執稍上馬左右擊刺特盡其妙觀者登樹梁主曰此樹必為侍

中折矣俄而果折因號此稍為折樹稍魏書陳留王

虔傳曰虔武力絕倫每以常稍細短大作之猶患其輕

復綴鈴於刃下

擬仲堪

比項籍

晉書曰劉邁為殷仲堪中兵參軍桓玄之在江陵甚

豪橫士庶畏之過於仲堪玄曾於仲堪廳事前戲馬以稍擬仲堪邁時在坐謂玄曰馬稍有餘精理不足玄自

以才雄冠世而心知外物不許之仲堪為之失色  
史曰北齊高昂字敖曹為高歡將馬稍絕世左右無不  
一當百時人  
比之項籍  
桓王稍 朱瑾稍

魏書衛王儀傳曰儀  
膂力過人弓力將十

石陳留王虔稍大稱異時人云衛王弓桓王稍  
田頽傳曰安仁義以善射冠軍中當時稱朱瑾梁米志  
誠弩皆為第一仁義嘗曰志誠弩十不當瑾  
梁之一瑾梁十不當吾弓之一人以為然  
馳馬拔

稍 上馬持稍

南齊書長沙王晃傳曰武帝嘗幸鍾山  
晃從駕以馬槊刺道邊枯槲上令左右

數人引之銀纏皆卷聚而稍不出乃令晃復馳馬拔之  
應手便去每遠州獻駿馬上輒令晃於華林中調試之

高帝嘗曰此我家任  
城也 下詳稍二

攢稍外向 把稍直刺

唐書蘇  
定方傳

曰定方擢伊麗道大總管賀魯率十姓兵十萬拒戰輕  
定方兵少舒左右翼包之定方令步卒據高攢稍外向

親引勁騎陣北原賊三突步陣不能入定方因其亂擊之  
後周書曰耿豪從太祖戰於邙山豪謂所部曰大  
丈夫見賊須左手拔刀右手把稍直  
斫直刺慎勿皺眉畏死遂大呼獨入  
稍有火光稍

有華文

唐書五行志曰劉武周據并州兵勢甚盛城上  
稍刀夜每有火光火鏢金金所畏也敗亡之象

又崔義元傳曰河內賊黃君漢為李密守柏崖義元  
見稍刀有華文曰此王敦亡兆也因說君漢以城歸

稍四

增取富貴但有大槩耳

三國典畧曰文育小字猛奴到  
都見太子詹事周捨捨命兄子

弘讓教之書計文育謂弘讓曰誰能學此取富  
貴但有大槩耳弘讓壯之教之騎射文育大悅  
人脛

為稍

太平御覽曰北齊安州刺史盧曹入海島得一人  
脛可長二丈以為稍獻於神武諸將咸莫能用唯

彭樂舉之曹未幾遇疾痛聲聞外巫言海神為祟因此而卒

與霹靂鬪

北史薛孤延傳曰齊

神武常閱馬於北牧道逢暴雨大雷火燒浮圖令延觀之延案稍直前大呼繞浮圖走雷火遂滅神武歎曰延乃能與一擊踣數人又王思政傳曰河橋之戰思政霹靂鬪

數人避稍奪稍唐書尉遲敬德善避稍每單騎入賊雖羣刺之不能傷又能奪取賊稍還刺之

齊王元吉使去刃與之校敬德請王加刃而獨去之卒不能中帝嘗問奪稍與避稍孰難對曰奪稍難試使與齊王戲王三失稍遂服

### 稍五

原詩晉傅元詩曰彎我繁弱弓弄我丈八稍一舉覆三

軍再舉殄戎貊

原書晉庾翼與燕王書曰今致朱漆鈿三十張絳碧畫  
幡黑眊副丈八稍一柄

原序梁簡文帝馬槊譜序曰馬槊為用雖非遠法近代  
相傳槊已成藝鄧鹿縈魏后之廷武而猶質種馬入丹  
陽之寺雄而未巧聊以餘暇復撰斯法搜採抑揚斟酌  
煩簡至春亭落景秋臯晚靜嚴霜盡降密雲初晴纖驪  
沃若天馬半漢盼金精而轉態交流汗血愛連乾而息

影不畏衣香雕衢與白刃同暉翠眊與紅塵俱動足使  
武夫憤氣觀者衝冠巴童留玩不待輕舟之楫越女跣  
躡無假如臯之箭

父一

原按釋名曰父殊也長丈二尺而無刃有所撞挫於車  
上使殊離也 增詩曰彼倭人兮荷戈與袂袂及也 書

顧命曰一人冕執父 原周禮曰廬人為廬器父長尋  
有四尺 增司馬法曰弓矢禦父矛守戈戟助凡五兵

五當長以衛短短以救長迭戰則久皆戰則彊

父二

增書父

名父

蕭子良古今蒙隸文體曰古者文既記笏武亦書父字彙舜臣名父古者命

名各以其所能

能父故名父

奮父

擬父

王粲七釋曰流鋒四射畢罕橫厲奮于父而稍

繫馳鷹犬以搏噬父規以良弓觀毫末而放鏃乃殪之於窟中

夏侯湛獵兔賦曰擬以銳

原旅

賁先驅

為王前驅

說文云父以枚殊人也禮父以積竹八觚長丈二尺建於兵車旅賁

以先驅也

執父為王前驅

烏存執父

廷尉舉父

左傳莒子庚與將出

奔聞烏存執父而立於道左懼將止死苑羊牧之曰君過之烏存以力聞可矣何必以弑君成名遂來奔韓



子日楚國法太子不得乘車至第門時天雨王急召太子庭中有水太子遂驅車至第門廷尉舉父擊馬遂敗其駕

### 父三

增杖父臨朝

淮南子曰昔武王執戈秉鉞以伐紂勝殷措笏杖父以臨朝

父體八

觚

徐錯說文敘父書解曰父體八觚隨其勢而書之故八體有父書

千鹵父鉞

吳都賦云

千鹵父鉞腸夷勃盧注曰父鉞皆矛也

有恒用

謝惠連從軍行曰趙騎馳四牡吳舟浮三翼弓

父有恒用矛鉞無暫息

### 槍一

增字彙曰剡木傷盜曰槍 衛公兵法曰聽角聲第一  
聲絕諸隊即一時散立第二聲絕諸隊一時捺槍卷幡  
張弓拔刀第三聲絕諸隊一時舉槍第四聲絕諸隊一  
時籠槍跪膝坐 通鑑宋紀曰吳璘疊陣法每戰以長  
槍居前坐不得起次最強弓跪膝以俟次神臂弓約賊  
相搏至百步內則神臂先發七十步強弓併發次陣如  
之 說選真臘風土記曰真臘國軍馬亦是裸體跣足  
右手執標槍左手執戰牌別無所謂弓箭砲石甲冑之

屬金史曰火槍制以勅黃紙十六重為筒長二尺許實以柳炭鐵滓磁末硫黃砒霜之屬以繩繫槍端軍士各懸小鐵罐藏火臨陣燒之燄出槍前丈餘藥盡而筒不損

## 槍二

增唐書秦叔寶傳曰每敵有驍將銳士震耀出入秦王輒命叔寶往取之躍馬挺槍刺於萬衆中莫不如志通鑑五代紀曰吳徐溫與王景仁戰不勝而却景仁引

兵乘之將及於隘吳吏士皆失色左驍衛大將軍宛邱  
陳紹援槍大呼曰誘敵太深可以進矣躍馬還鬪衆隨  
之梁兵乃退 又宋紀曰王則據貝州反明鎬穿地道  
以攻之文彥博至貝鎬穿道適通遂選壯士夜半由地  
道入城衆登城賊縱火牛官軍以鎗中牛鼻牛還攻之  
賊大潰開東門遁總管王信追則擒之 又曰金苗道  
潤素與中都經畧副使賈瑤有隙一日從數騎出瑤伏  
甲射之道潤顛於道左從者駭散有何伯祥者獨下馬

掖道潤道潤懣絕不能乘馬瑀伏發前突伯祥奮槍大呼殺數人賊乃遁 八編類纂曰金宗弼本名烏珠太祖第四子也希尹獲遼護衛問知遼帝獵鴛鴦樂宗望宗弼率百騎遂越盧勃等馳擊敗之宗弼矢盡奪遼兵士槍獨殺八人生獲五人 弇州史料曰任兵憲環丞吳時倭暴至臺檄丞以鄉兵五百徼之兵故市人子倉卒應募不習戰遇輒鳥散走丞獨身從親信抵射賊賊中勇敢者奮持長刀踰溝來擊丞館人挾抱丞上馬則

賊已刃尾之館人乃直前手搏賊連中數槍手不捨竟

死丞以間得逸去 拊膝錄曰瞿能建文中從李景隆

攻北平白溝河之戰能奮勇衝擊殺傷甚衆北平遂却

能及其子與叛將房寬接戰寬敗王所乘馬凡三易三

被鎗所射矢皆盡能復躍馬引兵追擊大呼滅燕斬殺

數十百人 備忘錄曰明武定侯郭英沈毅多智嘗從

征陳理其將陳同僉驍健善槊馳入中軍帳下上遽呼

曰郭四為我殺賊侯奮臂持鎗賊即應手墜上解所御

赤戰袍衣之曰唐尉遲敬德不汝過也

### 槍三

增王鐵槍

李鐵槍

五代史王彥章傳曰彥章為人驍勇有力能跣足履棘行百步持一

鐵槍騎而馳突奮疾如飛而他人莫能舉也軍中號王鐵槍

通鑑宋紀曰李全濰州北海農家子弓馬超捷

能運鐵槍人號李鐵槍

號飛將

號副統

唐書單雄信傳曰雄信能馬上用槍李密

軍中號飛將而拳勇善鬪所用槍長二丈軍中號為長槍副統

金史實勒哈塔傳曰哈塔形不過中人

半段槍

丈八槍

唐書哥舒翰傳曰翰與吐蕃戰持半段槍迎擊所向披靡翰工用槍追及

賊擬槍於肩叱之賊反顧翰刺其喉剔而騰之高五尺許乃墮

通鑑宋紀曰岳飛與金人戰於太行山擒其

將拓跋葉鄂特居數日又與敵遇飛單騎持丈八鐵槍刺殺其將黑風大王金人敗走

卧槍而坐

卧槍以待

又曰劉錡與烏珠夾石梁河而陣河通巢湖廣二丈錡命曳薪疊橋須臾而成遣甲

士數隊踰橋卧槍而坐 弁州史料曰傳友德既敗賊將韓乙度賊且復至開城門陣於野使皆卧槍以待聞鼓即起李二果盛兵至輕我師寡競而驚友德鼓之士騰躍搏賊遂敗之縛李二以獻 連槍為

橋 縛槍為梯

通鑑宋紀曰蒙古主駐軍魚兒渚遣三哥巴圖帥萬騎自西夏趨京兆以攻金

潼關不能下乃由嵩山小路趨汝州遇山礮輒以鐵槍相鎖連接為橋以渡遂赴汴京 金史巴薩傳巴薩攻

衛州猝無攻具縛槍為雲梯州人知不能攻守益嚴凡攻三日不克

削檳榔木

挾大

竹筒

星槎勝覽曰暹羅國人削檳榔木為標鎗 弁州史料曰沐英鎮雲南麓川宣慰思倫發聚其衆來



寇象皆披甲負戰樓四周若欄楯挾大竹為筒於兩傍筒置短鎗十餘以標我

## 槍四

增杖折槍歸營

通鑑唐紀曰郭子儀李光弼與史思明戰於嘉山大破之斬首四萬級捕虜千

餘人思明墜馬露髻跣足步走至暮杖折槍歸營奔於博陵弼就圍之

垂雙拂為號

八編

類纂曰李全置酒高會平山堂有堡塞候卒識其槍垂雙拂為號以報趙范范喜謂葵曰此賊勇而輕若果出

必成擒矣

梨花槍

又曰李全妻楊氏諭鄭衍德等曰二十

行住不

銀槍金槍

北轅錄曰金主設朝外廊皆銀槍左掖門入皆金槍人依一柱以立焉

泉隨鎗湧

星槎勝覽曰瓜哇國海灘有水一泓甘可飲稱為聖水元時使將史弼高興征其國

經月不下舟中乏水糧盡二將拜天祝曰奉天伐蠻若  
天與我水即生不與即死遂插鎗鹹苦海中其泉隨鎗  
湧起水味甘甜衆軍汲而飲之乃令曰  
天賜助我可力戰也兵威由是大振  
兩頭著刀 兵

纂聞曰孔侍郎鏞撫貴州時貴清平衛所部有曰溪刺  
者溪多智數善為兵刺脅力絕人能破三重甲持二丈  
槍兩頭著刀以槍點地躍而起輒三五丈飛行稠人之  
上以戰若一二丈川澗跨越之如溝澮後鏞皆以計擒  
之

### 撾簡附兵諫

通鑑五代紀曰淮南節度使楊渥忌  
張顥徐溫欲誅之丙戌渥晨視事顥

溫帥牙兵二百露刀直入庭中數渥親信十餘人之罪  
曳下以鐵撾擊殺之謂之兵諫諸將不與之同者顥溫  
稍以法誅之於是軍政  
悉歸二人渥不能制  
鐵簡萬戶 金史曰烏延察喇

持兩鐵簡簡重數十  
斤人號為鐵簡萬戶

槍五

增詩唐杜甫詩曰苔卧綠沈槍 明唐順之楊教師槍

歌曰老楊自是關東客短衣長軀棗紅面千里隨身丈  
八矛到處尋人鬪輕健謂余儒生頗好武一揖滾滾發  
雄辯坐驚平地起波濤蠕蠕龍蛇手中現撥開雙龍分  
海嬉攢簇兩蛇合穴戰爭先儘教使機關縮退誰知賣  
破綻目上中眉左傳事猶自晒綿中裹鐵那能見滿身護  
著不通風百步攏來激流電飛上落下九點丸放去收

回一條線問君何為技至此使我馮軒神眊眩答言少  
小傳授時五步七步畫地踐邇來操弄三十年渾身化  
作枯樹斲心却忘手手忘鎗眼前只見天花旋乃知熟  
處是通神解牛斲輪安足羨因君亦解草書訣君鎗豈  
讓公孫劍

棒一

增太公六韜曰方首鐵棒維盼重十二斤柄長五尺以  
上千二百枚一名天棒 崔豹古今注曰車輻棒也漢

朝執金吾金吾亦棒也以銅為之黃金塗兩末謂為金  
吾御史大夫司隸校尉亦得執馬御史校尉郡守都尉  
縣長之類皆以木為吾馬用以夾車故謂之車輻一曰  
形似輻故謂之車輻也抱朴子曰余願世人改其無  
檢之行除其驕簡之失則趙勝之門無去客黃祖之棒  
無所用矣晉宣帝教曰當教諸圍上守者皆作棒人  
一枚輕重長短者各各可守皆當頭施紉挂臂賊破死  
在旦夕邂逅衝突圍當以棒棒之

棒二

增通鑑唐紀曰顏慶復大破蠻軍殺二千餘人蜀民數  
千人爭操芟刀白梃以助官軍呼聲震野 拊膝錄曰  
楊本者處州人初為太學生精於遁法靖難師起招募  
才畧之士本應募起家時吳王撫軍一日本請吳王出  
觀兵及登將臺見大水淼茫平階而一軍不見曰此水  
遁也及帥師北向本嘗持一鐵棒重三十斤臨陣馳突  
北軍披靡不敢前遂大破之授錦衣衛鎮撫蓋自南北

交戰惟平保兒與本有功他將皆敗

### 棒三

原造五色

長五尺

曹瞞別傳云太祖初入尉廨繕治四門造五色棒懸門左右各十餘

枚有犯禁者不避豪強皆棒殺之下詳棒一

乃用白棒

輒加白棒

抱朴子曰

吳遣賀將軍討山賊賊中有善禁者每交戰官軍刀不能傷將軍乃多用白木棒擊之禁不能行沈約宋書

云後廢帝常著小袴褶未嘗服衣冠或有忤意輒加以虐刑有白棒數十枚各有名號鉞錐鑿鋸之徒不離左

右嘗以鐵

棒殺外兵

棒殺豪強

魏志鍾會傳云胡烈給語親兵及疏

與其子曰丘建密說消息已作大坑白棒數千欲悉呼外兵入將以次棒殺投坑中諸牙門親兵亦咸說此語

一夜傳相告皆徧衆遂爭赴殺會下見前

增執棒趨報

持棒大呼

楚三

新錄曰長沙衆軍迎馬殷為主值夜殷甚疑懼欲拒不行將曉忽覩一人黑色而貌甚偉執大棒鞠躬趨報曰軍國內外平安俄而不見由是殷以為嘉兆心始安北史王褒傳曰齊神武遣韓軌宵濟華州襲王褒褒不覺比曉軌衆已乘梯入城褒尚卧未起聞閣外匈匈有聲便袒身露髻徒跣持一白棒大呼而詬曰老褒當道卧貉子那敢過敵見驚退

棒四

增金吾白梃如雨

通鑑唐紀曰玄宗御五鳳樓酺宴觀者諠溢樂不得奏金吾白梃如雨不

能過人持一巨梃自防又宋紀曰种師道次白溝遼人譟而前擊敗師道前軍統制楊



可世於蘭溝甸士卒多傷師道先  
令人持一巨槌自防賴以不大敗

### 棒五

增表魏高堂隆陳災異表曰石氏星占曰天棓五五星  
之杖也主撾棓亂兵客星彗茀干犯棓兵大起二年消  
復之宜罷省百役勿使士卒怨於勤苦而為亂足其廩  
食度可勞然後用之則士卒安而無亂兵矣

### 椎一

增太公六韜曰方首鐵椎重八斤柄長五尺以上十二

百枚一名天槌敗步騎羣寇 又曰楸杙大槌重五斤  
柄長二尺以上百二十具

椎二

增漢書淮南王傳曰淮南厲王長高帝少子也常心怨  
辟陽侯孝文時入朝乃往請辟陽侯辟陽侯出見之即  
自袖金椎椎之命從者刑之 唐書嚴武傳曰武幼豪  
爽母裴不為挺之所荅獨厚其妾英武始八歲怪問其  
母母語之故武奮然以鐵鎚就英寢碎其首左右驚白

挺之曰郎戲殺英武辭曰安有大臣厚妾而薄妻者兒  
故殺之非戲也父奇之曰真嚴挺之子 通鑑宋紀曰  
殿前都指揮使韓震復如賈似道之議請帝遷都陳宜  
中欲示已非似道黨乃召震計事伏壯士袖鐵椎擊殺  
之 說海遼志曰契丹好以銅及石為槌以擊兔

### 椎三

增擊脛

碎腦

通鑑唐紀曰僧圓淨謀反圓淨時八十餘捕者既得之奮鎚擊其脛不能折

又元紀曰益都王著因人心憤怨阿哈瑪特密鑄大銅鎚與妖人高和尚謀擊殺之時皇太子從帝如上都而阿

哈瑪特留守京師著以太子素惡其姦乃遣二西僧至中書詐稱皇太子還都作佛事復矯太子令俾樞密副使張易發兵夜會東宮易不察遽以兵往既而省中遣使出迎悉為偽太子所殺奪其馬入建德門夜二鼓至東宮前立馬呼省官至前責阿哈瑪特數語著即率去以所袖銅鉞碎其腦

誤中副車 椎

殺晉鄙

漢書張良傳曰良為韓報讐得力士為鐵椎重百二十斤擊始皇博浪沙中誤中副車 史記

信陵君傳曰朱亥袖四十斤鐵椎椎殺晉鄙

椎四

增盧鼓椎

金史約赫德傳曰約赫德屢敗宋兵威震淮泗好用鼓椎擊人世呼曰盧鼓椎其名可以

怖兒啼大槩如呼麻胡云有子名和爾和世目曰小鼓椎

椎五

增詩唐李白詩曰子房未虎嘯破產不為家滄海得壯  
士椎秦博浪沙報韓雖不成天地皆震動潛匿遊下邳  
豈曰非智勇

增銘山房隨筆翰林學士王文炳鐵椎銘曰朱亥貢金  
張良受之合以忠義鍛成此鎚銅山可破鎚不可缺金  
埒可碎鎚不可折噫亂臣滔滔四海嗷嗷長蛇其毒封  
豕其饕上帝憤之以鎚畀著

著王千  
戶名也

鎚不自奮假手於

汝數未莫先時來敢後曾是一揮元兇碎首匪鎚之重  
唯人之勇匪鎚之功唯人之忠長僅數尺重纔數斤物  
小用大策此奇勲鎚在人亡再用者誰藏之武庫永鎮  
姦回

枚一

增詩曰制彼裳衣勿士行枚 海錄碎事曰銜枚止言  
語誼罵也周官有銜枚氏狀如箸橫銜之繡絜於項繡  
者結礙也絜繞也蓋為結紐而繞項也

繡音獲  
絜音頤

枚二

增史記曰項梁率師攻秦秦使章邯距梁章夜銜枚擊  
楚殺項梁 後漢書吳漢傳曰漢伐蜀與劉尚分營於  
江南江北戰不利於是享士秣馬閉營三日不出乃多  
樹幡旗使煙火不絕夜銜枚引兵與劉尚合軍遂大破  
之 陸賈楚漢春秋曰高祖向咸陽南趣宛宛堅守不  
下乃匿其旌旗人銜枚馬束口龍舉而翼奮雞未鳴圍  
宛城三匝宛城降 梁祚國統曰孫權嘗賜甘寧酒米

寧以米賜帳下乃以銀碗酌酒自飲次與其都督次酌其兵命銜枚出斫敵王隱晉書曰母丘儉文欽反遣鄧艾進屯樂嘉欽果夜銜枚襲艾等昧爽至於城下

又曰王浚都督幽州諸軍事成都王使和演發兵殺浚單于以演謀告浚州府逼近銜枚密嚴夜與單于圍演演持白幡請降孫嚴宋書曰柳元景總軍北討元景至弘農營於開方口衆軍並造陝下元景遣軍副柳元怙簡步騎二千一宿而至遂合戰元怙悉偃旗鼓士馬



皆銜枚潛師伏甲而進既出賊不意虜衆大駭 唐書  
王雄誕傳曰李子通敗輔公祐乘勝追之反為所擠士  
皆走壁雄誕獨提私卒數百銜枚夜往乘風火之子通  
大敗 又王暕傳曰薛訥至武階距大來谷二十里賊  
陣兩軍間亘一舍而近暕往迎訥夜使壯士銜枚鑿突  
賊駭引去

枚三

增遣三校 上西山

漢書趙充國傳曰充國擊西羌至金城須兵滿萬騎欲渡河恐為虜

所遮即夜遣三校銜枚先渡渡輒營陣會明畢遂以次  
盡渡後漢書段熲傳曰羌衆潰東奔射虎谷熲規一  
舉滅之乃遣千人於西縣結木為柵廣二十步長四十  
里遮之分遣田晏夏育等將七千人銜枚夜上西山結  
營穿塹去賊一里許又遣司馬張  
愷等將三千人上東山賊乃覺之

銜枚泝江銜枚

渡河

國語曰吳王起師軍於江北越王軍於江南越王  
乃令左軍銜枚泝江五里以須亦令右軍踰江五

里以須夜中乃令涉江鳴鼓中水以須越王以其中軍  
私率六千人銜枚以襲攻之吳師大北通鑑宋紀曰  
李成聞王進敗自引兵十餘萬來岳飛遇成於樓子莊  
大破之追斬進遂復筠州成復以十萬衆與張俊夾河  
而營楊沂中夜銜枚渡河與俊夾攻成又

銜枚先登

銜枚夜出

王智深宋書曰劉誕作亂孝武帝使沈攸  
之等伐之於是龍驤將軍卜天生推車塞

整率敢死數百人銜枚先登習鑿齒漢晉陽秋曰初魏軍始入蜀劉禪分二千人付羅獻留守吳聞蜀敗遂起兵遣盛憲謝詢等水陸並到說獻以合從之計獻謂諸將曰今據孤城百姓無主吳人因釁公敢西過宜一決戰以示衆心遂銜枚夜出擊破憲

## 枚四

增折竹為詔

通鑑宋紀曰劉錡遣驍將閻充募壯士五百夜斫敵營是夕天欲雨電光四起見敵

輒殲之金兵退十五里錡復募百人往或請銜枚錡笑曰無以枚也命折竹為詔如市井兒以為戲者人持一以為號直犯金營電所燭則皆奮擊電止則匿不動敵衆大亂百人者聞吹詔聲即聚金人益不能測終夜自戰積尸盈野

鈎鑲一

原釋名曰鈎鑲兩頭曰鈎中央曰鑲或推鑲或鈎引用之之宜也 增字彙曰古兵有鈎有鑲引來曰鈎推去曰鑲 莊子曰曲者中鈎

鈎鑲二

增瑞應圖曰湯都於亳有神人牽白狼口銜銅鈎入湯庭

鈎鑲三

原蜀鉤

吳鉤

魏文帝與王朗書曰丕不愛江漢之珠而愛巴蜀之鉤此言難得之貴寶不若

易得之賤物

吳都賦曰家有鶴膝户有犀渠軍容蓄用器械魚儲吳鉤越棘純鉤湛盧

### 鉤鑲四


原蚩尤辟兵

東觀漢記詔令賜鄧遵蚩尤辟兵鉤一

殺子成鉤

吳越春秋云闔

閭作金鉤曰能善為鉤者賞之百金有人貪賞重殺其兩子以血釁金遂成二鉤獻之而詣宮門求賞王曰為鉤者多而子獨求賞何以異作者曰吾作鉤貪王之賞殺吾二子以成兩鉤是以與衆異其人向鉤而哭呼其兩子名曰吳鴻扈稽我在此聲未絕而兩鉤俱飛著父之胷吳王大驚乃賞之百金



御定淵鑑類函卷二百二十四

欽定四庫全書

子部

御定淵鑑類函卷二百二十五

六

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣陸 湘

謄錄監生臣沈世攻

欽定四庫全書

御定淵鑑類函卷一百二十五

武功部二十

刀

刀

原字林曰琫佩刀下飾也天子以玉諸侯以金琕佩刀

上飾也太公兵法曰刀子之神名曰脫光 增潛確

類書曰蚩尤作陌刀 考工記曰築氏為削長尺博寸

合六而成規

今之書刀古者未有紙筆以削刻字至漢雖有紙筆仍有書刀古之遺法也



原典論曰昔者周魯寶赤刀孟勞 楚辭曰鉛刀進御

遙棄泰阿 孔叢子曰秦王得西戎利刀以之割玉如

割木焉 增春秋孔演圖曰八政不中則天雨刀 淮

南子曰鉛不可以為刀 又曰金勝木者非以一刀殘

林也土勝水者非以一堞塞江也 阮子曰裁國無利

器猶鉛刀而望其巧 原物理論曰古有阮師之刀天

下之所寶貴也初阮之作刀受法於金精之靈七月庚

辛見金神於冶監之門其人光色燦耀向而再拜神執

其手曰子可教也既致之閒宴設饌而問焉金神教以  
水火之齊五精之鍊用陰陽之候取剛軟之和三年作  
刀千七百七十口其刀平背夾刀方口洪首截輕微不  
絕絲髮之系斫堅剛無變動之異 增楊泉物理論曰  
司刀神一名滄耳 原班固與弟超書曰竇侍中遺仲  
升楚勝陵錯橫刀玉璫阜削一枚金錯半垂刀一枚

增後漢書輿服志曰佩刀乘輿黃金通身貂錯半鮫魚  
鱗金漆錯雌黃室五色罽隱室華諸侯王黃金錯環挾

半鮫黑室公卿百官皆純黑不半鮫小黃門雌黃室中黃門朱室童子皆虎爪文虎賁黃室虎文其將白虎文皆以白珠鮫為釧口之飾乘輿者加翡翠山紆嬰其側

原聖證論曰昔國家有優曰史利漢氏舊優也云梁冀有火浣布切玉刀一朝以為誕而不信正始初得火浣布乃信初學記曰釋名曰刀到也以斬伐到其所乃擊之也其末曰鋒言若蜂刺之毒利其本曰環形似環也或曰黃帝採首山之金始鑄為刀

見洞冥記

歷代有吳

刀赤刀容刀鸞刀

歸藏曰大副之吳刀是用出禹尚書曰赤刀大訓弘壁琬琰在西序孔安

國注曰寶刀赤刀赤刀削也毛詩曰執其鸞刀注曰刀有鸞者毛詩又曰何以舟之維玉及瑤鞞琤容刀注云舟帶也容刀

昆吾割玉刀

見十洲記周穆王時西胡所獻切玉如切泥

鳴鴻

刀

見洞冥記漢武帝以賜東方朔

百鍊青犢漏影三刀

見崔豹古今注漢文帝刀

古

人鑄刀以五月丙午取純火精以協其數

見吳喜志林

增

釋名曰短刀曰拍髀帶時拍髀旁也又曰露拍言露見也佩刀在佩旁之刀也或曰容刀有刀形而無刃備容儀而已剪刀剪進也所剪稍進前也書刀給書簡札有

所刊削之刀也封刀鉸刀皆隨時名之也 原魏武帝

內戒令曰往歲作百辟刀所謂百鍊利器以辟不祥懾

服姦宄 典論曰丕造百辟寶刀其一丈似靈龜名曰

靈寶其二彩似丹霞名曰含章其三鋒似崩霜刀身劒

缺名曰素質又作露陌刀一名龍鱗 增隋志曰東宮

左右內率府有千牛備身八人掌執千牛刀以千牛名

刀者取其辨千牛而芒刀不頓 通鑑唐紀曰唐初職

事官三品以上賜金裝刀礪石 唐六典武庫令曰刀

之制有四儀刀

古班劍之類宋晉以來謂之御刀後魏曰長刀皆施龍鳳環隋謂之儀刀裴以

金銀羽儀所執

障刀

以障身

橫刀

佩刀也

陌刀

長刀蓋古斷馬劍魏武帝有露陌刀銘

唐書地理志曰邠州貢剪刀忠州涪州貢文刀玉

堂閒話曰唐詩多用吳鉤者刀名也刀彎故名今南蠻

名之曰葛党刀說選北戶錄曰南中有以竹為刀錯

子者如少鈍復以漿水洗之如初

## 刀二

增西京雜記云黃公少時為術能御虎佩赤金刀及衰

老不能行其術秦末有白虎見於東海以赤金刀厭之不效為虎所殺 原漢書曰龔遂為渤海太守民有帶

持刀劔者使賣劔買牛賣刀買犢曰何為帶牛而佩犢

東觀漢記曰馬嚴為陳留太守建初中嚴病遣功曹

史李龔奉章詣闕上召見龔問疾病形狀以黃金十斤

葛縛佩刀書刀革帶付龔賜嚴 又曰賜鄧遵金對鮮

卑緹帶一具金錯五十辟把刀墨再屈環橫刀金錯屈

尺八佩刀各一 增後漢彭修傳曰修父為盜所劫修

年十五拔佩刀前持盜帥曰父辱子死卿不顧死耶盜  
相謂曰此童子義士也不宜逼之遂辭謝而去 原蜀  
志曰初孫權以妹妻先主妹才捷剛猛有諸兄風侍婢  
百餘人皆親執刀侍立先主每入心常慄慄 蒲元傳  
曰君性多奇思於斜谷為諸葛亮鑄刀三千口刀成自  
言漢水鈍弱不任淬用蜀江爽烈是謂大金之元精天  
分其野乃命人於成都取江水君以淬刀言雜水之不  
可用取水者捍言不雜君刀畫水言雜八升取水者叩



頭云實於涪津渡覆水懼怖遂以涪水八升益之咸共  
驚伏以竹筒納鐵珠滿中舉刀斷之應手虛落因曰神  
刀今屈耳環者乃其遺範 費禕別傳曰孫權以手中  
嘗所執寶刀贈禕荅曰臣不才何以堪明命然刀所以  
討不庭禁暴亂但願大王勉建功業同獎漢室臣雖闇  
弱終不負東顧 增吳志孫堅傳曰堅年十七與父共  
載船至錢塘會海賊掠賈人財物方於岸上分之行旅  
皆不敢進堅行操刀上岸以手東西指麾若分部人兵

以邏遮賊狀賊望見以為官兵捕之即委財物散走

原陸機晉書曰王濬之在郡也夢懸四刀於梁上甚惡之濬主簿李穀拜賀曰夫三刀為州而見四益一也明府其臨益州乎後果然 晉中興書曰初魏徐州刺史

呂虔有佩刀工相之以為必三公可服此刀虔謂別駕王祥曰苟非其人刀或為害卿有公輔之量故以相與增晉書曰衛瓘監軍護軍鍾會素與瓘至厚會書板上欲殺胡烈等示瓘瓘言不可會逼瓘定議經宿不眠

各橫刀膝上 又曰元帝以劉琨為侍中太尉并贈名

刀 詞林海錯曰晉太康記范文日南西捲縣雅夷奴

也文為奴時牧羊山澗得兩鱧魚化為兩石石有鐵文

入山中就石冶鑄成兩刀斫石鄣如切泥由是人情漸

附後為日南王子孫世寶鱧刀為斬蛇劍也一日雅奴

魚刀 搜神記曰宮亭湖孤石有估客下都徑其下見

二女子云可為買兩量絲履自厚相報估客至都有好

絲履并箱盛之自市一書刀亦在箱中既還以箱及香

置廟中而去忘取刀湖中正泛忽有鯉魚跳入船中破  
魚得刀 陶弘景刀劒錄曰郭維於太原得一刀文曰  
宜為將後遂為將軍及與蜀戰敗走遂失此刀 又曰  
王雙曾於市中買得一刀賣人曰得之者貴因不見雙  
後佩之果為將將此刀與曹真以一刀換之 又曰孫  
權遣張昭代周瑜為南郡太守曾作一刀背上有盪寇  
將軍四字八分書 又曰張翼德初受新亭侯自命匠  
鍊赤珠山鐵為一刀銘刀曰新亭侯蜀帝大將也後被

范強將此刀入吳 又曰諸葛亮定黔中從青石祠過  
拔刀刺山沒刃不拔而去行者莫測 又曰前涼張寔  
造刀一百口無故盡生文曰霸 又曰後趙石勒建平  
元年造一刀用五百金工用萬人尖頭長三尺六寸銘  
曰建平隸書 又曰石勒未貴時耕得一刀銘曰石氏  
昌篆書 又曰前秦苻堅甘露四年造一刀用五千功  
銘曰神術隸書 又曰後秦姚萇建初元年造二刀長  
七尺一銘曰雄一銘曰雌隸書若叩即鳴 又曰後涼

呂光麟嘉元年造一刀銘背曰麟嘉長三尺六寸 又  
曰明帝鸞建武二年造一刀銘曰朝儀刀小篆書長四  
尺 後周書曰耿豪從太祖戰於邙山豪謂所部曰大  
丈夫見賊須右手拔刀左手把稍直刺直斫慎勿皺眉  
畏死遂大呼獨入敵人鋒刃亂下當時咸謂豪歿俄然  
奮刀而還戰數合當豪前者死傷相繼 通鑑唐紀曰  
蓋蘇文狀貌雄偉意氣豪逸身佩五刀左右莫敢仰視  
又曰太平公主等謀廢立左丞張說自東都遣人遺

上佩刀意欲上斷割 唐書劉文靜傳曰文靜與裴寂

有隙嘗與弟文起飲酣有怨言拔刀擊柱曰當斬寂會

家數有變文起召巫夜被髮銜刀為禳厭文靜妾失愛

告其兄上變遂下吏 又皇甫無逸傳曰無逸嘗按部

宿民家鐙炷盡主人將續進無逸抽佩刀斷帶為炷其

廉介如此 又闕稜傳曰稜善用兩刀刀其長丈名曰

拍刀一揮殺數人前無堅對 又契苾何力傳曰始何

力母弟在涼州詔往視母於時薛延陀毗伽方強契苾

諸酋爭附之乃脅其母弟使從何力曰我義許國不可  
行衆執之至毗伽牙下何力箕踞拔佩刀東向呼曰有  
唐烈士受辱賊廷耶天地日月臨鑒吾志即割左耳誓  
不屈 山堂肆考曰唐開元中王昌齡舟行馬當山遇  
大風命齋酒紙上大王誤投金錯刀忽有赤鯉入舟剖  
腹得刀 唐書李光弼傳曰始光弼將戰內刀於韉曰  
戰危事吾位三公不可辱於賊萬一不捷當自刎以謝  
天子 又李嗣業傳曰嗣業身長七尺壯勇絕倫天寶



初隨募至安西頻經戰鬪於時諸軍初用陌刀嗣業善用之每為隊頭所向必陷 又曰高仙芝討勃律李嗣業田珍為左右陌刀將 又曰廣平王收長安統前軍嗣業袒持長刀大呼陣復整步卒二千以陌刀長柯斧堵進所向無前 又劉崇龜傳曰崇龜為清海軍節度使廣有大賈約倡女夜集而它盜殺女遺刀去吏跡賈捕効得約女狀而不殺也崇龜方大饗軍中悉集宰人至日入乃遣陰以遺刀易一雜置之詰朝羣宰即庖取

刀一人不去曰是非我刀問之得其主名往視則亡矣  
崇龜取他囚殺之聲言賈也陳諸市亡宰歸捕詰具伏  
其精明類此 通鑑唐紀曰甄濟有操行安祿山奏掌  
書記濟察祿山有異志詐得風疾昇歸家祿山反使蔡  
希德引行刑者二人封刀召之濟引首待刀 又曰李  
愬署李祐為散兵馬使令佩刀巡警出入帳中 金史  
曰約赫德不喜文士僚屬有長裾者輒以刀截去 玉  
壺清話曰曹翰魏人曹彬真定人二曹皆著名翰能詩

宋太宗語曰朕覽卿詩曾因國難披金甲恥為家貧賣  
寶刀他日燕山磨峭壁定應先勒大名曹朕甚愛之  
說選溪蠻叢笑曰出入坐卧必以刀自隨小者尤銛利  
名犵黨又曰藝精者擲刀空中接之名雞模倭志  
曰倭賊勇而戇不甚別生死每戰輒赤體提三尺刀舞  
而前無能捍者

刀三

原吳刀

周寶

上詳刀一 博物志  
曰赤刀周之寶器

脫光

漏影

龍魚

河圖曰有脫光  
刀下詳刀一

屠牛

斬虎

淮南子曰屠牛垣一朝解九牛而刀可以剝毛

下見何晏  
斬虎刀銘

銅口

金頭

傅咸奏事曰尚書舊奏給介士二百人人給大銅口

刀一枚  
今餉五尺金頭刀碧綾車中盾

採金

切玉

並詳刀一

孟勞

卑手

穀梁傳云公子友謂莒挈曰吾二人不相說士卒何罪屏左右而相搏公子友處下

左右曰孟勞孟勞魯之寶刀也公子友以殺之  
策軍令云孤先在襄邑有起兵意與工師共作卑手刀

龍鱗

大櫓

續漢書云龍鱗御刀也  
大櫓刀重八斤柄長六尺三百枚

鼓

索內琴

典論云魏太子丕百辟始成五色充壺巨索自鼓以為三刀  
琴操曰聶政父為韓王治

劍過期不成王殺之時政未生及壯問母知之乃入泰  
山遇仙人學琴操漆身為癩吞炭變音七年琴成入韓

逢其妻以刀納

琴中刺韓王

吳刀

鄭刀

張華詩云雄魏任氣俠  
聲溢少年場吳刀鳴手

中利劍嚴秋霜

周禮考工記云

鄭之刀越之劍遷其地不能為良

霜鏐

霜鋒

白

刀冰刃

增刺山

入水

漢書曰李廣利為貳師將  
軍征大宛軍中無水拔佩

刀刺山飛泉湧出

陶弘景刀劍錄曰鍾會克蜀於成  
都土中得一刀文曰太乙會死入帳下王伯昇後渡江

刀遂飛入水

斷絲

芟草

謝承後漢書曰丹陽方儲為郎  
中章帝使文郎居左武郎居右

儲正住中曰臣文武兼備在所使用上嘉其才以繁亂  
絲付儲使理之儲拔佩刀三斷之對曰反經任使臨事

宜然

唐荆川左編曰隋長孫晟隨煬帝幸榆林帝欲

出塞外陳兵耀武經突厥中恐染干驚懼先遣晟往喻

旨染干因召所部諸國酋長咸萃晟見牙中燕穢欲令

染干親自除之示諸部落以明威重乃指帳前草曰此

草大香染于遽取嗅之曰殊不香也歲曰天子行幸所在諸侯並躬親灑埽耘除御路以表至敬之心今牙中蕪穢謂是留香草耳染于悟曰奴罪過遂拔

截矢

斬甲

後漢耿弇傳曰張步攻耿弇營飛矢中弇股以佩刀截之左右無知者北齊書曰綦母懷文造宿

鐵刀其法燒生鐵精以重柔鋌數宿則成鋼以柔鋌為刀脊浴以五牲之溺淬以五牲之脂斬甲過三十札今襄國冶家所鑄宿柔鋌是其遺法也

銀裝

金削

梁書

曰梁武帝之將起兵也席闡文蕭穎胄同馬仍遣田祖恭私報帝并獻銀裝刀帝報以金如意合璧事類曰徐齊暉八歲能文太宗

金苦

木辛

神異經曰南方大荒中有如何

召試賜所佩金削刀

樹三百歲作華三百歲作實實有核形如棗子長五尺金刀剖之則苦竹刀剖之則飴木刀剖之則辛食之得

地

帶刀

對刀

李白詩曰君不能學哥舒翰橫行青  
海夜帶刀西屠石堡取紫袍 溪蠻

叢笑曰甲與乙有隙兩相鬪敵背牌護  
身遠以標鎗鎗盡挺刀而前名對刀

麥芒

蘆葉

合璧事類曰牛僧孺進士時常用麥芒刀字有誤謬隨  
手刪割點定 盧綸難綰刀子歌曰黃金鞘裏青蘆葉

麗若剪成銛且捷輕水薄玉狀不分一尺寒光堪決雲  
吹毛可試不可觸似有蟲鏤缺裂文淬之幾墜前池水  
馬知不是蛟龍子割雞刺虎皆若空願應君心  
逐君指并州難綰竟何人每成此物如有神 拆封

破陣

合璧事類外集曰拆封刀子起於郭汾陽書吏  
也舊但用刀之小者所收文帖既繁刀刀銷折

不殘寸餘乃銛以應急較愈於全時漸出新意因削木  
加拆刀之上汾陽喜其用心曰真郭子儀之部吏後用

傳之益妙其制

文公談苑

曰宋呼延贊常作破陣刀

斷蒙

警惡

陶弘景刀  
劍錄曰董

元成少果勇自打鐵作刀後討黃祖於蒙衝河引刀斷  
衝頭為二流拜大司馬號其刀曰斷蒙刀

山堂肆考

曰楊貴妃父楊元琰少時嘗有一刀每出入道塗間多  
佩之或前有惡獸盜賊則所佩之刀鏗然有聲似警於

人也故名

警惡刀

安國定國

刀劍錄曰朱理君少愛征討黃武中累功拜安國將軍作

佩刀文曰安國又曰宋高祖劉裕永初元年造  
一刀銘其背曰定國小篆書長四尺後入梁國

萬

人五色

又曰關羽為先主所重不惜身命自採五都山鐵為二刀銘曰萬人及羽敗惜刀投於水

又曰宋劉義符景平元年  
造一刀銘曰五色小篆書

騰馬斬馬

又曰後蜀主李雄晏

平元年造騰馬刀五百口隸書

玉海曰熙寧五年作

坊造斬馬刀刀長三尺餘鐔長尺餘首為大環上出以

示蔡挺挺奏制作精巧便於操擊戰陣之  
利器也五月命置局造數萬口分賜邊臣

百勝二



儀刀劒錄曰西涼李暠造珠碧刀銘曰百勝隸書清

遺贈皆交股屈環遇物如風上有鑿字曰二儀建義定業刀劒錄曰西秦

三年造刀一口銘曰建義隸字又曰齊高祖蕭道成建元二年造一刀銘曰定業長五尺篆書帝自制之

白鹿

赤冶

又曰後魏宣武帝以景明元年於白鹿山造白鹿刀隸書又曰後魏昭成帝

建國元年於赤冶城鑄刀十口金鏤亦冶二字隸書

徑路

鐸鞘

漢書匈奴傳元帝遣韓昌

張猛送呼韓邪侍子與單于登諾水東山刑白馬單子以徑路刀金留犁橈酒共飲血盟注應劭曰徑路匈奴

寶刀也

唐書南詔傳曰德宗遣袁滋冊異牟尋遣清

平官尹輔首等七人謝天子獻鐸鞘浪劒鬱刀鐸鞘狀

如殘刃有孔旁達出麗水飾以金所擊無不洞鬱刀鑄時以毒藥并冶取迎躍如星者十年乃成浪人所鑄故

亦名浪劍王所佩者傳七世矣

寶鈿

金錯

又阿史那社尒傳曰貞觀十四年為交河道行

軍總管平高昌諸將咸受賞社尒以未受詔秋毫不敢取見別詔然後受所取皆老弱陳幣太宗美其廉賜高

昌寶鈿刀

玉海曰太平興國二年吳越國

王貢黃金錯刀

四銀錯刀二十修時貢也

青蛇

赤鵲

芝田錄曰陶貞白有二刀一名善勝一名寶勝往

刀以賜東方朔刀長三尺朔曰此刀黃帝採首陽之金鑄之雄已飛去雌者獨存帝臨崩舉刀以示朔恐人得

此刀欲銷之刀自手中化為鵲赤色飛去雲中

玉磨

泉洗

李頎詠烏孫佩刀曰執之魍魎

誰能前氣凜風清沙漠邊磨用陰山一片玉洗將胡地獨流泉

迎雪

含霜

盧綸割飛二刀

子歌曰色迎霽雪鋒含霜

原專諸持

凌統舞

烈士傳曰專諸持一剛刀置魚腹中

以刺王僚 吳書曰凌統怨甘寧殺其父寧嘗備統不  
與相見嘗於呂蒙會酒酣統乃用刀舞寧起曰寧能雙  
戟 白虎象 金馬形 春秋繁露曰刀在右白虎之象  
舞也 下見李尤金馬書刀銘

屬為鏡

鉛為鈇

神仙傳曰河東孫博能引鏡為刀  
屬刀為鏡 賈誼曰鎔錙為鈇鉛

刀為

與十倍

對數百

郭翻刀墜水人為取之因與  
其人其子曰我取此天地神

明所責翻終不受又投於水人又為取翻不能逆十倍  
價與之 武帝責楊僕曰君欲請蜀刀問君賈幾何對

曰率數百武庫日  
出兵而陽不知

增土瑩刀

露塗刀

北齊書曰慕容懷文云廣

平郡南幹子城是干將鑄劍處其土可以瑩刀 吳時  
外國傳曰扶南諸王殺其國人以刀斫刺往往有不入  
者以汗露塗刀  
刀斫之乃入 黑如漆 赤如血 刀劍錄曰鄧艾年  
十二曾讀陳太丘

碑碑下掘得一刀黑如漆長三尺餘上常有風氣冷淒淒然時人以為神賜又曰黃忠從先主定南郡得一

刀赤如血於漢中擊夏侯

軍一日之中手刃百數

投溝中

藏羣下括異記

方北羊生羔鬻於屠肆將割而再亡其刀乃羔羊銜投溝中屠者感傷不復屠羊李密傳曰密謀叛簡驍勇數十人衣婦人服戴幕羅藏刀羣下詐為家婢妾者入桃林傳舍須臾變服出據其城掠畜產趨南山而東

明月環

秋水薄

李白詩刀開明月環盧綸割飛二刀子歌兩條神物秋水薄

原將軍賜固

刺史與祥

班固與竇憲箋曰今月中舍以令賜固把刀曰此大將軍

少小時所服今賜固伏念大恩且喜且慚下詳刀二

淬以清流

礪以越砥

並李尤金馬書刀銘

陸剗犀兕

水截鯨鯢

並見刀五王粲刀銘

以備

不虞 可使無鬼

東觀漢記李通傳注云齊武王嘗殺通同母弟中屠臣上恐其怨不欲與

其弟軼相見軼數請上乃強見之軼深達通意上乃許  
注意不安買半亩佩刀懷之至通舍通甚歡握上手得  
半亩刀乃謂上曰一何武也上曰倉卒時以備不虞耳  
列異傳云有仙人王方平降陳節方家以刀一口長  
五尺三寸名泰山寶環語節方曰此刀不能為餘益獨  
卧可使無鬼入軍不傷勿以入廁溷且不宜久服三年  
後有從汝求者可急與之後  
果有車載錢百萬請刀者

賣刀遼東 奮刀都亭

列仙傳云丁次卿不知何許人順帝時賣刀遼東市時  
人名之丁氏次卿有寶刀 列女傳云龐娥者酒泉郡  
龐子夏妻趙君安女君安為同郡李壽所殺三子遭疫  
而死壽大喜娥聞曰李壽汝莫喜焉知娥不手刀汝耶  
乃陰市刀志在殺壽後於都亭奮刀斫壽  
刃折拔壽佩刀斷壽頭詣獄求死詔赦之

西胡割玉

女休白陽

陳思王辨道論云時西胡有獻香者腰帶割玉刀下詳矛三據宛景矛注

王尊引視

朱暉向賊

漢書云王尊為東平相王以至親驕奢不奉法度尊數直諫王

欲格殺之即好謂尊曰願觀相君佩刀尊舉掖顧謂傍侍郎前引佩刀視王王欲誣相拔刀向王王情得師古曰謂尊所測正得其情也東觀漢記云朱暉年十三與舅母家屬入宛城道遇賊欲奪婦人衣暉拔刀向賊曰錢物可得諸母衣不可得今朱暉死日也賊義之笑曰童子納刀遂放遣

懷入帳下

拔向施工

魏志曰許褚從討袁紹於官渡徐他等謀為逆以褚常侍左右憚之不敢發伺褚休下日

他等懷刀入褚至下舍心動即還侍他等不知入帳見褚大驚愕他色變褚覺之即擊殺他等太祖益親信之出入同行不離左右江表傳云孫權於武昌新裝大船名為長安試泛之釣臺時風大盛谷利令施工取樊

口權曰當張頭取羅州利拔刀向施工曰不取樊口者  
斬工即轉施入樊口權曰阿利畏水何怯也利跪曰大  
王萬乘之主輕於不測之  
淵邂逅顛危奈社稷何  
擲刀對泣  
強刀一割

吳志云孫權以公孫淵稱藩遣張彌許晏至遼東拜淵  
為燕王張昭諫權不能堪案刀而怒昭曰臣竭愚忠者  
誠以太后臨崩呼老臣於牀下遺詔顧命之言故在耳  
因涕泣橫流權擲刀致地與昭對泣  
張衡與特進書  
云以為鉛刀  
拔刀斫案  
取刀擊石  
江表傳云孫權  
強可一割  
拔刀斫前奏案

曰諸將吏敢復有言當迎曹操者與此案同  
神仙傳  
云蜀人李阿傳世不老有古強者隨阿入青城山恐有  
虎狼取大刀隨阿見而怒取強刀以擊石刀折  
散強竊憂刀敗阿復取刀左右擊地刀復如故  
橫刀

長揖

跳刀大呼

英雄記云董卓謂袁紹曰皇帝沖闕  
非萬機之主陳留王猶勝今欲立之

紹勃然曰天下健者豈惟董公橫刀長揖徑出懸節於東門而奔冀州王濬表云孫皓出案行石頭還左右兵士皆跳刀大呼曰要當為國家決一死戰魏帝尚以千人定天下況今有數萬衆自足辦事皓意大喜便開庫藏盡出金

引刀自刎

持刀自刎

漢書蓋寬饒傳云諫大夫鄭昌

愍寬饒忠直憂國以言事不當意而為文吏所詆挫上書訟寬饒上不聽遂下寬饒吏寬饒引佩刀自刎北闕下衆莫不憐之又田延年傳云丞相議奏延年主守盜三十萬不道就獄延年曰幸縣官寬我耳何面目入牢獄即閉閣獨居齋舍褊袒持刀東西步數日使者召延年詣廷尉聞鼓聲自刎死

破魚得刀

魚變為刀

晉中興書云孫恩世奉事五斗米道因叔泰師事錢塘杜子恭為弟子子恭有異術

常就人借刀其主索之子恭曰當送還刀主行至嘉興有魚躍入船中破魚得刀其為神效往往如此



林邑記云林邑王范文先嘗為人牧羊洞中得鱧魚私將還家欲食之其主檢求文思因曰將礪石還非魚也主往看果是石文知異看石有鐵作兩刀咒曰魚變為刀若斫石入者當為此國王文斫石即入人漸附之

授則辟刀

獻則授穎

凡有刺刀者以授人則辟刀謂避也辟音匹亦反禮曰

凡獻刀則却刀授穎

增循環握足

斷席別坐

漢書李陵傳云昭帝遣李陵故

人隴西任立政等三人俱至匈奴招陵立政等至見陵未得私語即目視陵而數數自循其刀環握其足陰諭

之言可歸漢也

史記褚先生曰任安與田仁俱為衛將軍舍人過平陽主家主家令與騎奴同席而食二子

拔刀斷

席別坐

百步豎刀

三杯弄刀

晉書載記曰慕容翰北投宇文歸既而逃

還翰遙謂追者曰汝可百步豎刀吾射中者汝便宜反不者可來前也歸騎解刀豎之翰一發便中刀環追騎

乃散 李白白馬篇曰酒後競風彩三  
杯弄寶刀殺人如剪草劇孟同遊遨

### 執備身刀

### 佩大橫刀

太平御覽曰陳文帝出守吳興韓子高年十  
六容貌美麗狀似婦人於淮渚附部伍寄載

還鄉里文帝見而問曰能事我乎子高許諾子高本名  
蠻子帝改名子高性恭謹恒執備身刀 唐書王及善  
傳曰及善除右千牛衛將軍高宗曰朕以卿忠謹故擢  
三品要職他人非搜辟不得至朕所爾佩大橫刀在朕  
側亦知此

### 石林竹刀

### 金馬書刀

裴淵廣州記曰石  
林竹勁利削為刀

切象皮如纖茅

玉海曰文翁傳為蜀郡守選小吏詣

京師受業博士減省少府用度買刀布蜀物齎計吏以

遺博士注如淳曰金馬書刀今賜計吏是也作馬形於

刀環內以金鏤之晉灼曰書刀也蜀郡工官作金馬書

刀以佩刀形金錯其拊師古曰凡蜀刀有環者也古者

用簡牒吏皆以刀筆自隨蒙氏製筆漢兼用書刀謂之

刀筆博古圖

以佩刀贈

解佩刀賜

唐書張文瓘傳曰長史李勣入

朝并州參軍張文瓘與屬僚二人皆餞勣贈二人以佩

刀玉帶而不及文瓘文瓘以疑請勣曰子無為嫌若某

沈豫少決故贈以刀欲求果於斷某放誕少檢故贈以

帶俾其守約束子才無施不可焉用贈 唐太宗曰貞

觀以前從我定天下間關草昧元齡功也貞觀之後納

忠諫正朕違為國家長利徵而已雖古名臣亦何以加

親解佩刀 以賜二人 雲文隱起 風氣淒然 刀劍錄曰董卓少

文字四面隱起作山雲文劒玉如泥及貴示五官

十二鍊 二十八將

刀劍錄曰蜀主劉備令蒲元造刀

中郎將蔡邕邕曰此項羽刀也 下見黑如漆注 七

鍊柄中通之兼有二字 又曰前燕慕容 有敵必鳴

俊元年造二十八口刀銘曰二十八將

別處則鳴

又曰南涼禿髮烏孤太初三年造一刀狹小長二尺五寸青色匠云當作之時夢見

一人披朱衣云我是太乙神故看爾作此刀有敵至刀必鳴後落突厥可汗處又曰後燕慕容垂造二刀長

七尺一雌一雄

獻策賜刀

入朝賜刀

唐荆川左編曰後周賀若

若別處之則鳴

弼拜吳州總管獻取陳十策上稱善賜以寶刀孔帖曰唐薛延陀其弟統特勒入朝帝以精刀賜之

呼刀斬槐

引刀割鴈

弇州史料二史考曰南京後府經歷卜馬益者山後人其子好

武而駿遇一全真以技誇之全真曰此一夫勇耳吾亦有小技呼一刀使斬府中大槐後有百餘刀隨之削槐

樹如札

兵畧纂聞曰孫炎守處州為苗將賀德仁李

祐所襲炎坐無援被幽空室中列卒環守叛將以炙鴈

斗酒饋曰以此與公訣炎引佩刀割鴈舉匕酌酒仰天

歎曰嗟大丈夫死死義耳賊死狗且不爾食卒怒持劍

瞋目擬之炎  
飲酒自若

婦人礪刀

女官佩刀

通鑑宋紀曰劉  
錡誓守順昌軍

士皆奮男子備守戰婦人礪刀劒爭呼躍曰平日人欺  
我八字軍今日我當為國家破賊立功 弇州史料二  
史考曰英宗初立朝廷大政承太皇太后指裁為多太  
后常御便殿大臣被旨入朝左右女官雜佩刀劒侍衛  
凜然 原夢得者為利 礪井者被刑 夢書云刀為利斷  
利 論衡云世諱礪刀井上恐刀墜井中或說以  
為刑字井與刀也礪刀井上井刀相見恐被刑也

刀四

增佩刀生毛

廬江七賢傳曰漢武帝出淮陽到舒不覽  
城問曰此鄉名何陳翼翼對曰鄉名不覽上

曰萬乘主所問不詳耶欲舉燔之翼曰臣言不欺佩  
刀當生毛欺則無毛也視之刀有毛長寸乃不燔

為國家受一刀

唐書屈突通傳曰通每自摩其頸曰要當為國家受人一刀

別給

儀刀

通鑑唐紀曰唐文宗時皇城留守郭皎奏諸司儀仗有鋒刃者請皆輸軍器使遇立仗別給儀刀從

之

持鱠刀而遁

又宋紀曰劉漢宏將十餘萬衆出西陵將擊董昌戊午錢鏐濟江迎戰大

破之漢宏易服持鱠刀而遁使敵人見之以為庖丁不疑為漢宏也

麻札刀

宋史岳飛傳曰烏珠

有勁軍皆重鎧貫以韋索三人為聯號拐子馬官軍不能當是役也以萬五千騎來岳飛戒士卒以麻札刀入陣勿仰視第斫馬足拐子馬相聯一馬仆二馬不能行官軍奮擊遂大敗之

徐大刀

通鑑宋紀

曰水軍都統制徐文勇力過人揮刀

刀光如月

弇州史料

叢記曰高中丞捷少輕俠武力絕人後自南院罷歸莊居至夜分盜意其厚藏謀劫之司警者以報捷令洞開

大門手舞雙刀一力士持鐵棒翊而出刀光如月燦疾若風盜數十人皆奔跌原野間

刀起見

刀不見公

兵畧纂聞曰都督劉顯不胥不介遇敵提兩刀騰躍超湧矯捷若飛刀起見刀不見公

數千人投刀拜

又曰宣德時吳惠守桂林時義寧蠻為不靖惠親至洞中撫之曰吾若屬

父母欲來活汝無他衆唯唯因反復陳順逆其魁感泣留惠數日歷觀屯堡形勢數千人衛出境殲羊豕境上

惠曰善為之無遺後悔數

奪守者刀

又曰花雲守太平城陷被執友

千人皆投刀拜遂不反

諒縛雲急雲怒罵奮躍大呼縛皆絕奪守者刀連殺數人賊亂擊碎雲首縛真舟檣叢射之雲至死罵不輟

刀五

原賦魏曹植寶刀賦曰建安中魏王命有司造寶刀五

枚以龍虎熊馬雀為識太子得一余及余弟饒陽侯各  
得一焉有皇漢之明后思潛達而元通飛文藻而博致  
揚武備以禦凶然後礪以五方之石鑿以中黃之壤規  
圓景以定環攄神思而造象陸斬犀革水斷龍角輕擊  
浮戣刀不纖削踰南越之巨闕超西楚之秦阿實真人  
之攸御永天祿而是荷 增後漢張衡西京賦曰吞刀  
吐火雲霧杳冥

增詩古詩何當大刀頭破鏡飛上天 魏王粲從軍詩



曰雖無鉛刀用庶幾奮薄身 晉左思詠史曰鉛刀貴

一割夢想騁良圖 無名氏獨漉篇曰刀鳴筓中依牀

無施 又俠客行曰趙客縵胡纓吳鉤霜雪明十步一

殺人千里不留行 又酬張卿詩曰寶刀隱玉匣繡澀

空莓苔 唐杜甫詠趙太常大食刀歌曰壯士短衣頭

虎毛憑軒拔鞘天為高翻風轉日木怒號冰翼雲淡傷

哀猱鑄錯碧翬鵬鵜膏銚鏐已瑩虛秋濤 又曰馬得

并州快剪刀剪取吳淞半江水 孟郊詩曰抽裝無一

線剪懷盈千刀 韋應物寇季膺古刀歌曰古刀寒鋒  
青臧臧少年結交平陵客求之時代不可知千痕萬穴  
如星離重疊泥沙更剝落縱橫鱗甲相參差古物有靈  
知所適貂裘拂之橫廣席陰森白日掩雲虹錯落池光  
動金碧知君寶此誇絕代求之不得心常愛厭見今朝  
繞指柔片鋒折刃猶堪佩高山成谷滄海填英豪埋沒  
誰所捐吳鉤斷馬不知處幾度煙塵今獨全夜光投人  
人不畏知君獨識精靈器酬恩結義心自知死生好惡

不相棄白虎司秋金氣清高天寥落雲崢嶸月肅風淒  
古堂淨精芒切切如有聲何不跨蓬萊斬長鯨世人所  
好殊遼濶千金買鉛徒一割 宋蘇東坡以雙刀遺子  
由子由有詩坡次其韻云寶刀匣不見但見龍雀鏤何  
曾斬蛟蛇亦未切琅玕胡為穿窬輩見之要領寒吾刀  
不汝問有愧在其肝念此刀自藏包之虎皮斑湛然如  
古井終歲不復瀾 明徐尊生佩刀行曰神人藏舟半  
天裏絕壑豁露舟尾錚然有物墮中宵八觚稜嶒長

尺咫野僧拾之歸張公化為天矯蒼精龍不知何世何

年悶奇氣剗犀斷虎一旦生神通魑魅却走妖邪空張

公佩到蓬萊殿天上羣仙驚未見青絲緱懸白玉環當

晝孤光搖冷電為君淬厲向盤根縱有青萍何足羨他

年辭榮歸浙山莫行金華赤松間精靈感會聲霹靂便

恐飛去無時還

金華之永康有山曰雲巖拔起天半有巨舟藏壑中舟尾翹出如蜚一釘墜崖

下野僧得之以遺張君孟兼孟兼製為佩刀銘利特甚尊生為作歌

張憲北庭宣元杰

西番刀歌曰金師起持水火齊煅煉陰陽結精銳七月

七日授冶師手作鉗鎚股為礪一千七百七十鋒脊高  
體狹刀口洪龍飛蛟化歲月久阮師舊物今無踪呱哇  
繡鑄柔可曲東倭純鋼不受觸賢侯示我西番刀名壓  
古今刀劒錄三尖兩刃圭首圓劒脊黠黠生異煙朱砂  
斑痕點人血雕青皮軟金鈎聯唐人寶刀誇大食於今  
利器稱未息十年土淞松文生戎王造時當月蝕平章  
遺佩固有神朱高固始多奇勲三公重器不虛授往繼  
王祥作輔臣 鄭作刀贈程自邑曰昔客汴上來曾遺

西番刀出鞘試齟齬口吹斷毫毛裹以白鹿皮纏以青  
絲條不逢拂拭人塵埃甘自韜把贈慙吾老功名看汝  
豪 唐順之日本刀歌曰有客贈我日本刀魚鬚作靶  
青絲綆重重碧海浮渡來身上龍文雜藻荇悵然提刀  
起四顧白日高高天罔罔毛髮凜冽生雞皮坐失炎蒸  
日方永聞道倭人初鑄成幾歲埋藏擲深井日淘月煉  
火氣盡一片凝冰鬪清冷持此月中斫桂樹顧兔應知  
避光景 徐渭琉球刀詩曰單刀新試舞雙劍舊能輪

雨過腥聞血風旋雲裹身對鏢歸思動挂壁蒯緱塵醉  
後時橫看終當贈與人

原銘後漢馮敬通刀陽銘曰修爾甲兵用戒不虞見危  
致命臨事而懼文不可匿武不可黷文武孔純荷天之  
祿又刀陰銘曰溫溫穆穆配天之威苗裔無疆福報  
永綏李尤錯佩刀銘曰佩之有錯抑武揚文豈為麗  
好將戒其身又金馬書刀銘曰巧冶煉剛金馬託形  
黃文錯鏤兼勒工名魏文帝露陌刀銘曰於鏢良刀

胡煉亶時譬諸鱗角靡所任茲不逢不若永世寶持利  
用衛身以威弗治 曹植寶刀銘曰造茲寶刀既礱既  
礪匪以尚武予身是衛鱗角匪觸鸞距匪蹙 王粲刀

銘曰相時陰陽制茲利兵和諸色劑考諸濁清陸剗犀  
兕水截鯢鯨君子服之式章威靈 何晏斬猛獸刀銘

曰徒搏不兵作戒宣丘用造斯器螭獸是劉制禽允良  
昏明亶時永釐厥後蠲民之災 晉張協文身刀銘曰  
寶刀既成窮理盡妙繁文波迴流光電照 又把刀銘



曰奕奕名金昆吾遺璞裁為把刀利亞切玉時文斯偃  
含精內燭威助雖化武不可黷 裴景聲文身刀銘曰  
良金百煉一名展巧寶刀既成窮理盡妙文繁波流迴  
光靈照在我皇世戢不可耀 赫連勃勃造百鍊剛刀  
為龍雀大環號曰大夏龍雀銘其背曰古之利器吳楚  
湛盧大夏龍雀名冠神都可以懷遠可以柔逋如風靡  
草威服九區 增宋蘇東坡却鼠刀銘曰野人有刀不  
愛遺余長不滿尺劒鉞之餘文如連環上下相繆錯之

則見或漫如無昔所從得戒以自隨畜之無害暴鼠是除有穴於垣侵堂及室我刀入門是去無跡

增啓梁簡文帝謝勅賚善勝威勝刀啓曰冰鍔含彩雕琰表飾名均素質神號脫光五寶初成曹丕先荷其一二勝今造愚臣總被其恩錫韓非之書未足為比給博山之筆方此更輕 劉孝儀為晉安王謝東宮賜玉環刀啓曰苗峰珍鋌利極鉤芒謹當擁以雄身藉而安體不令北海小雍孤擅穿滕之寄廬江佩刀獨表不欺之

驗

弓一

原釋名曰弓穹也張之穹隆然其末曰簫言簫梢又謂之弭以骨為之滑弭弭也中央曰弣弣撫也所撫持也簫弣之間曰淵淵宛也言宛曲也爾雅曰弓有緣謂

之弓無緣謂之弣以金者謂之鈇以蜃者謂之玼以玉

者謂之珪

用金蚌玉飾弓之兩頭因取類以為名

方言曰弓藏謂之韃

或謂之韃說文曰角端獸狀似豕角善為弓出胡休

夕國

又曰彊

反丁昆

畫弓也

反虛全

角弓也弧木弓也

彊弓曲也

反舒招

弓便利也

反烏郭

弓急張也

反百生

反矜弓彊貌也

反一弧

滿弓有所向也

山海經曰少皞

生般是始弓矢

世本曰牟夷作矢揮作弓弓矢一器作者兩人於義有疑此言般作者是也

按世本揮始作弓

宋表注曰揮黃帝臣又孫卿子曰倕作弓墨子曰羿作弓三說不同

易曰弦木為弧剡木為矢弧矢之利以威天下

周官

曰凡為弓冬析幹而春液角夏治筋秋合三材

注謂膠絲漆

增又曰寒奠體冰析瀦春被弦角三液而幹再液往

體多來體寡謂之夾庾之屬利射侯與弋往體寡來體多謂之王弓之屬利射革與質往體來體若一謂之唐弓之屬利射深覆之而角至謂之句弓

注句不用之弓

覆之而

幹至謂之侯弓覆之而筋至謂之深弓 原又曰司弓

矢掌六弓四弩八矢之法辨其名物而掌其守藏與其

出入中春獻弓弩中秋獻矢箛

箛盛矢器

及其頒之王弓弧

弓以授射甲革楯質者夾弓庾弓以授射豸侯鳥獸者唐弓大弓以授學射者使者勞者天子之弓合九而成

規諸侯合七而成規大夫合五而成規士合三而成規  
又曰弓人為弓取六材必以其時六材既聚巧者和  
之幹者以為遠也角者以為疾也筋者以為深也膠者  
以為和也絲者以為固也漆者以為受霜露也凡取幹  
之道七柘為上櫪次之檠桑次之橘次之木瓜次之荆  
次之竹為下 增禮記曰武王克商後干戈弓矢包之  
以虎皮 又內則篇曰子生男子設弧於門左 儀禮  
鄉射禮曰衆賓勝皆袒遂執張弓不勝者執弛弓升飲

如初 又曰下射進坐橫弓覆手 原毛詩曰彤弓天

子錫有功諸侯也曰彤弓昭兮受言藏之 郭璞毛詩

拾遺曰象弭魚服毛云弭弓反末以象骨為之蓋俗說

之誤也按左傳曰左執鞭弭弭者弓之別名謂以象牙

為弓今西方有以犀角鹿角為弓者 增家語曰弓調

而後求勁焉 列子曰傳弓以燕牛之角纏弓以荆麋

之筋糊弓以河魚之膠說者以為燕角善楚筋細河膠

黏 吳越春秋曰范蠡進善射者陳音越王問射所起

音曰黃帝作弓以備四方後有楚狐父以其道傳羿羿  
傳逢蒙蒙傳楚琴氏琴氏傳大魏大魏傳楚三侯麋侯  
翼侯魏侯也 喻林曰武王曰五帝之時無守戰之具  
國存者何太公曰守戰之具皆在民間耒耜者是其弓  
弩也鋤爬者是其矛戟也簦笠者是其兜鍪也鑣斧者  
是其攻戰之具也雞狗者是鉦鼓也 劉子閔武篇曰  
逢蒙善射不能用不調之弓造父善御不能策不服之  
馬般倕善斲不能運不利之斤孫吳善將不能戰不習



之卒 孫卿子曰弓矢不調則羿不能以中微六馬不和則造父不能以致遠士民不親附則湯武不能以必勝 原又曰繁弱鉅黍古之良弓 又曰天子彫弓諸侯彤弓大夫黑弓禮也 三禮圖云彤弓天子所用旅弓卿以下所用也 楚辭曰帶長劒兮挾素弓 孔叢子曰楚王張繁弱之弓載忘歸之矢以射蛟兕於雲夢 增呂氏春秋曰齊宣王所用弓不過三石而左右皆曰此不下九石宣王終日自以為能用九石故亂國之

主患存乎用三石而為九石也 又曰善釣者出魚乎

十仞之下餌香也善弋者下鳥乎百仞之上弓良也

原龍魚河圖曰弓之神名曰曲張 文子曰狡兔得而

獵犬死高鳥得而彊弓藏 淮南子曰淇衛箛簞箛簞箭竹

也出於淇地銜箭羽飾以金銀錫雖有薄縞之幘然猶不能穿也

若假之筋角之力弓弩之勢則貫兕甲而徑於革楯矣

風俗通曰烏號弓者柘桑之枝枝條暢茂烏登其上

垂下著地烏適飛去從後撥殺取以為弓因為烏號

增賈誼新書曰東方之弧以梧其牲以雞南方之弧以柳其牲以狗中央之弧以桑其牲以牛西方之弧以棘其牲以羊北方之弧以棗其牲以兔 括地圖曰神弓在南山石泥渚中 沈懷遠南越志曰沙麻竹人削以為弓弓似弩淮南所謂溪子弩也 關令五鑑曰善弓者師弓不師羿善舟者師舟不師臯 抱朴子曰金弧玉弦無激矢之能 又曰農夫得彤弓以驅鳥南成得袞衣以負薪猶世人得仙丹而不貴 杜夷幽求曰弓

折由射者之數劒缺因用者之多 唐六典武庫令曰

弓之制有四一曰長弓以桑柘步兵用之二曰角弓以  
筋角騎兵用之三曰弰弓短弓利於近射四曰格弓綵  
飾之弓羽儀所執 唐書禮樂志曰射日皇帝服武弁

千牛中郎一人奉決拾以笥拂以巾千牛將軍北面張  
弓以袂順左右隈上再下一西面左執弣右執簫以進  
千牛郎將以巾拂矢進 又百官志曰持更者晨夜有  
行人必問不應則彈弓而嚮之復不應則旁射又不應

則射之 又太宗謂蕭瑀曰朕少好弓矢自謂能盡其

妙近得良弓十數以示弓工乃曰非良材也朕問其故

工曰木心不正脉理皆邪弓雖剛勁而遺箭不直非良

弓也朕始悟焉朕以弧矢定四方使弓多美有天下之

日淺得為治之意固未及於弓弓猶失之何況於治乎

又傅奕傳曰奕謂承亂世之後當有變更上言懲沸

羹者吹冷蘼傷弓之鳥驚曲木 玉海曰宋紹興三年

上謂輔臣曰造弓必用良工今御前所造弓其直八千

可以為式宜令軍器所及張俊軍中分造 又曰韓世忠之制兵器凡今跳澗以習騎洞貫以習射狡獪之鑿連鎖之甲斧之有掠陣弓之有克敵皆世忠之遺法

遼志曰契丹弓以皮為弦箭削櫟為簞 說畧昨夢錄

曰西夏有竹牛重數百觔角甚長而黃黑相間用以製弓尤健勁 明典故紀聞曰太祖因試將士諭之曰汝等知弓力乎其力但能至百步百步之外又加五步焉不能入矣故善射者求中於百步之內則弓無敗折之

患

弓二

原左傳曰顏高之弓六鈞

顏高魯人也三十斤為鈞

又曰分魯公

以大路大旂夏后氏之璜封父之繁弱 增又曰昭公

七年楚子享公於新臺使長鬣者相好以大屈 又曰

楚子使工尹襄問之以弓曰方事之殷也有韎韁之跗注

原家語曰楚共王出遊亡其烏號之弓

烏號良弓名

左右

請求之王曰楚人失弓楚人得之又何求焉孔子聞之

曰惜乎其不大也不曰人遺之人得之何必楚也 列  
子曰紀昌學射於飛衛飛衛曰汝先學不瞬而後能又  
使學視小如大紀昌以瓮懸蝨在牖南面而望之三年  
之後如輪覩物皆山邱也乃以燕角之弧朔蓬之幹射  
之貫蝨之心而懸不絕 增又曰甘蠅古之善射者殼  
弓而獸伏鳥下 原闕子曰宋景公使弓工為弓九年  
來見公曰為弓亦遲對曰臣不得見公矣曰臣之精盡  
於弓矣獻弓而歸三日而死公張弓登臺東面而射矢



踰孟霜之山集彭城之東其餘力逸勁飲羽於石梁

新序曰楚熊渠夜行見寢石彎弓射之沒矢飲羽下視知石也却復射之矢摧無迹 戰國策曰楚人有好以

弱弓微繳加歸鴈之上者頃襄王聞而召問之對曰見鳥六雙王何不以聖人為弓以勇士為繳時張而射之此六雙者可得而囊載也 列女傳曰晉平公使工為弓三年乃成射不穿一札公怒將殺工其妻見公曰妾之夫造此弓亦勞矣幹生泰山之阿一日三覩陰三覩

陽傳以燕牛之角纏以荆麋之筋糊以河魚之膠此四  
者天下之選也而不穿一札是君不能射也妾聞射之  
道左手如拒石右手如附支右手發箭左手不知公以  
其儀而穿七札弓工立得出賜金三鎰 增詞林海錯  
曰仲子崔仲由之子狐廩殺子路子崔請往報仇孔子  
曰行矣廩知之曰勇者不掩人之不備須後日城西決  
戰乃得蒲弓木戟與子崔戰而死 史記曰上迎寶鼎  
於中山得路弓乘矢集獲壇下 又曰黃帝騎龍上天

小臣不得上悉持龍髯髯拔隨隨黃帝之弓百姓望帝

抱其弓而號後世因名其弓曰烏號 原東觀漢記曰

蓋延字巨卿身長八尺彎弓三百斤 張璠漢記曰陳

球為零陵太守州兵朱蓋等反球守城弦大木為弓羽

矛為矢引機發之遠射千餘人斬朱蓋等 增後漢祭

彤傳曰光武拜彤為遼東太守至則厲兵馬廣斥候彤

有勇力能貫三百斤弓 又東夷夫餘國傳曰初北夷

索離國王出行其侍兒見天上有氣大如雞子來降因

有身後生子名曰東明東明長而善射王忌其猛欲殺之東明奔走南至掩淲水以弓擊水魚鼈皆聚浮水上東明乘之得渡因至夫餘而王之 梁書曰羊侃膂力

絕人所用弓至二十石馬上用六石弓 後魏書曰傅

融性豪爽有三子靈慶靈根靈越並有才力融以此自負謂足為一時之雄嘗謂人曰吾昨夜夢有一駿馬無堪乘者一人曰唯傅靈慶堪乘此馬又有弓一張亦無人堪引人曰唯傅靈根可彎此弓又有數紙文書人皆

讀不能解人曰唯傳靈越可解此文融意謂其三子文

武材幹堪以駕馭當世常密謂鄉人曰汝聞之不昂虫

之子有三靈此圖識之文也好事者傳之故豪勇之士

多相歸附唐書曰高開道募壯士數百為養子衛閤

下愛將張金樹潛令左右數人偽與諸養子戲絕其弓

弦又取刀稍聚牀下既暝以其徒譟攻之又張士貴

傳曰士貴彎弓百五十斤左右射無空發又王方翼

傳曰方翼常夜行見長人丈餘引弓射仆之乃朽木也

太宗聞擢右千牛 又李德裕傳曰德裕為鄭滑節度

使徙劔南西川請甲人安定弓人河中弩人浙西由是

蜀之器械皆犀銳 又田頔傳曰時稱朱瑾槊米志誠

弩皆為第一安仁義常曰志誠弩十不當瑾槊之一瑾

槊十不當吾弓之一 玉海曰宋元豐二年上聞尹抃

能為弓能辨六材命乘驛赴闕五年八月抃造插弰弓

又曰元豐六年九月丁巳上批付劉昌祚所進器械

具悉今賜卿金線烏弰弓一神臂弓二 弇州史料徐

中山世家曰高帝召徐達與曹國公李文忠宋國公馮  
勝宴射而賜之交趾弓五十彤弓百 明典故紀聞曰  
都督同知武忠嘗使朝鮮國人請閱兵因以弓矢請射  
忠挽弓輒嫌其軟並張兩弓折之會有鴈橫空而過忠  
援弓射之應弦而落

弓三

原四材

七幹

韓詩外傳云齊景公使人為弓弓人之妻曰此弓者泰山南鳥號之柘燕牛之

角荆櫟之筋河魚之膠四物者天下之精材也

下詳弓一

繡質

綠沈

陳琳武軍賦曰

弓則烏號越棘繁弱角端象弭繡質皆附文身劉劭  
趙都賦曰其用器則六弓四弩綠沈黃間棠溪魚腸丁

令角端

蜃玳

象弭

並詳弓一

定準

成規

譙子法詞曰善耕者足以

謹地待時而動善射者調弓定準見可而發君子善養其人足用下詳弓一

楚桃

越棘

左傳曰楚靈王次於乾谿右尹子革夕王與之語曰昔我先王熊繹僻在荊山唯是桃弧棘矢以供禦王事

沈懷遠南越志曰宋昌縣有棘竹長十尋俚人取以為弓

弦木

飾金

並詳弓一

東

房

西序

尚書曰和之弓在東房孔安國注曰和古之弓人也儀禮曰司射告賓曰弓矢既具有

司請射賓與大夫之弓倚於西序矢在弓下

招虞

遺卻

左傳曰齊景公田於沛招虞人

以弓不進公使執之辭曰旌以招大夫弓以招士皮冠以招虞人臣不見皮冠故不敢進又曰晉楚戰於鄢



陵卻至三遇楚子之卒見楚子必下免胄而趨風  
楚子使工尹襄問之以弓杜預注曰問遺之也

青

檀 黑幹

遁甲開山圖曰河東有獨頭山多青檀可以為良弓 周禮曰弓人凡相幹欲赤黑而陽

聲赤黑則向心

楊幹

桑弧

說苑曰齊攻魯子貢見哀公請求救於吳公曰

陽聲則遠根

奚先君寶之用子貢曰使吾寶而與我師是不可恃也  
於是楊幹麻筋之弓六往 禮記曰男子生桑弧蓬

矢六射天地

越麻

晉竹

越絕書曰麻林山勾踐欲伐吳種麻為弓弦使齊人

守之 晉令曰弓弩士習弓射

者給竹弓角弓皆二人一張

救日

觀星

周禮曰  
庭氏掌

射國中之妖鳥若不見其鳥獸則以救日之弓救月之  
矢夜射之若神也則以大陰之弓與枉矢射之鄭司農

注曰救日之弓救月之矢謂日月食所作弓矢太陰之

弓救月之弓枉矢救日之矢

張勃吳錄曰揮觀弧星

始制弧者弧如張之星也

錫功

備盜

上詳弓一 韓楊天文要集曰弧者天公備盜賊

象骨

麋筋

並詳弓一

安危

宛轉

周禮曰豐肉而短寬緩以荼若是者

為之危弓危弓為之安矢骨直以立忿執以奔若是者為之安弓安弓為之危矢荼古文舒字鄭司農云荼讀

為舒

鄴中記云石虎女

騎皆手握雌黃宛轉角弓

尚筋

散羽

曲禮云凡遺人弓者張弓

尚筋弛弓尚角注云弓有往來體皆欲令其下曲隤然

順也張衡東京賦云桃弧棘矢所發無梟飛磔羽散

剛痺必斃注曰梟限也無限其數也

既調

載橐

詩弓矢既調又載橐弓矢

除災

備壞

傳曰凡啓冰室桃弧棘矢以除其災 詩二矛重弓重弓備壞也

交輶

罷

置

詩交輶二弓 後漢陸康字季寧除高城令在邊舊制戶一人具弓弩以備不虞康皆罷遣以恩信為治

寇盜

弋箛

角幹

弋無弓箛無矢齊桓公九合諸侯  
云云周禮燕之角荆之幹此材

之美者可  
作弓弩也

增白鵬

鳳皇

風俗通曰白鵬古弓名  
宋史和詵上制勝強遠弓

式能破堅三百步外  
邊人號為鳳凰弓

霹靂

彷徨

隋書長孫晟傳曰  
晟為秦川行軍總

管突厥大畏長孫總管聞其弓聲謂為霹靂見其走  
馬謂為閃電淮南子曰曲張弓名也一名彷徨弓

奪弱

挽強

左傳曰定公八年公侵齊門於陽州士皆  
坐列曰顏高之弓六鈞皆取而傳觀之陽

州人出顏高奪人弱弓籍丘子鉏擊之與一人俱  
斃偃且射子鉏中頰殪杜甫詩曰挽弓當挽強

鏃

弓  
瞑弓

宋史范恪傳曰恪有弓勝一石七斗其箭鏃  
如鏃名曰鏃弓又於箭羽間識其官稱姓氏

臨敵所發必中至一箭貫二人唐書南蠻傳曰永昌  
之西野桑生石上其材上屈西向而下植取以為弓不

筋漆而利  
名曰瞑弓

雕弓

寶弓

詩行葦篇曰雕弓既堅  
策楚人以弋說襄王曰出寶

弓箸

猊弓

彤弧

詞林海錯曰李陵以猊弓遺蘇武  
猊似豕角在鼻上堪作弓

班固

典引曰乘其命賜  
彤弧黃戚之威

始彊

大弨

韓愈聯句從禽弓始  
又雪後寄崔二

十六大弨擐  
辟無由彎

原賜征伐

錫有功

尚書平王錫晉文  
侯拒壘圭瓚作文

侯之命王曰用賚爾拒壘一鹵彤弓一彤矢百盧弓一  
盧矢百傳云諸侯有大功賜弓矢然後專征伐  
毛詩  
彤弓序云彤弓天子錫有功諸侯箋云諸侯敵王所  
愾而獻其功王饗禮之於是賜彤弓彤矢旅弓旅矢

學為箕

不得挾

禮良弓之子必學為箕  
書公孫弘奏民不得挾弓矢

漢

增桔

華弱

貢孫權

左傳曰子蕩以弓桔華弱於朝  
表傳曰高句驪王遣使貢孫權角弓

江

增二石

減數斤

玉海曰紹興十一年詔有司造克敵弓乃韓世忠所獻也上謂輔臣曰

世忠宣撫淮東常以此弓勝金朕取觀之誠工巧然猶未盡善朕籌累日乃少更之遂增二石之力而減數斤

之重今方盡善後有作者無以加矣乃命殿前司閱習

弦漆弓

出名弓

唐書王忠

嗣為將能持重安邊不生事有漆弓百五十斤每弦之

示無所用

李密傳曰密饗士翟讓至密所密出名弓

示讓讓挽滿劍士

原天子戎器

天子之器

明堂位云越棘

蔡建從後擊之

大弓天子之戎器也

穀梁傳云偏弓錐矢

不出疆場注曰偏弓錐矢皆天子之器也

用戒不

虞

以扶下國

春秋元命苞曰夫弓矢之張候變禦難用戒不虞山海經曰帝俊賜羿彤弓

素贈以扶下國注

曰以射除患也

文武之道

屈伸之義

禮記子曰張而不弛

文武弗能也弛而不張文武弗為也一張一弛文武之道也注曰張弛以弓弩喻人也弓弩久張之則絕其力弛之則失其體大戴禮弓之銘曰屈伸之義廢興之行無忘自過注曰言得時也

因其志慮

以其形貌

周禮云凡為弓者各因其君之躬志慮血氣鄭元注云又隨其人之性情周禮云

弓長六尺有六寸謂之上制上士服之弓長六尺有三寸謂之中制中士服之弓長六尺謂之下制下士服之

鄭注曰人各以其形貌大小服此弓

使為三年不過三石

韓詩外傳云齊景公

使人為弓三年乃成下見弓一

魯君懼反

周公受藏

魯連子云楚成章華

之臺酌諸侯酒魯君先至楚王悅之與大曲之弓不琢之璧已而悔之遠啓疆聞之見魯公曰夫此大曲之弓不琢之璧楚之上寶也齊與晉越欲此久矣寡君不與也而獨與君君其備禦三鄰慎守寶矣公懼反之

梁傳云盜竊寶王大弓寶玉者封圭也大弓者武王之戎弓也周公受賜藏之魯非其所以與人而與人謂之亡非其所取而取之謂之盜

烏許弧竹

鮮卑角端

南州異物志云烏許國有

弧竹皮厚寸餘破以作弓長四尺名曰弧弓

續漢書

云鮮卑禽獸異於中國者有野馬羆羊角端牛以角為

弓俗謂之

角端弓

挹婁如弩

句麗謂貊

魏志云挹婁弓長四尺力如弩矢用

楛長尺八寸青石為鏃古之肅慎氏之國也又云句麗別種依小水作國因號小水貊出好弓所謂貊弓是也

商陽手弓

子胥貫弓

禮記云工尹商陽與陳棄疾追吳師及之手弓斃一

人史記云楚使者捕伍子胥子胥貫弓執矢嚮使者使者不敢進

冉堅失弓

子貢

受弓

左氏曰冉堅射陳武子中手失弓而罵注曰冉堅李氏臣也失弓而罵武子罵也又曰衛出公自

城鉏使以弓問子貢且曰吾其入乎子貢稽首受弓對曰臣不識也私於使者曰昔成公孫於陳甯武子孫莊子為宛濮之盟而君入獻公孫於齊子鮮子展為夷儀之盟而君入今君再在孫矣內不聞獻之親外不聞成之卿則賜不識所由入也

偃王天瑞

模趺神感

博物志云徐偃王既主其國仁

義著聞欲舟行上國乃通溝陳蔡之間得朱弓矢以已得天瑞遂因名為弓自稱徐偃王江淮諸侯皆伏從吳時外國傳云有模趺國人混慎好事神一心不懈神感至意夜夢神賜弓一張混慎晨入廟於神樹下得弓也

執簫承弣

屈韞執弣

禮凡遺人弓者右手執簫左手承弣主人自受由客

之左接下承弣簫弣頭也弣把中也又云凡獻弓則以左手屈韞執弣韞弓衣也

翩其反矣

高者抑之

詩駢駢角弓翩其反矣老子天之道其猶張弓乎高者抑之下者舉之

奚



康引彊 陽虎竊大

後魏書奚康生能引強弩梁聞之遺大弓長八尺兩把中國尺有一

寸箭麤大如今之長笛送與康康集文武射之猶有餘力 傳陽虎竊寶玉大弓

招我以弓

既張我弓

並詩

增桃弓除殘

繫弧亡國

焦贛易林曰桃弓葦

戟除殘去惡

國語曰周宣王時有童謡繫弧箕箒實

亡周國有夫婦鬻是器者王執而戮之乃奔褒得棄女

於野而養之是為

神名推亡

星直狼北

春秋佐助期曰天弓

褒姒卒以褒周

主司弓弩之張神名推亡

漢天文志觜觿下一星曰

天矢天狼下有四星曰天弧直狼北隋志弧九星在狼

東南天弓也揚

虎賁置弓

虎賁舉弓

後漢朱穆傳注續漢書曰

雄賦天弧發射

穆拜侍御史桓帝臨辟雍行禮畢公卿出虎賁置弓階

上公卿下階皆避弓穆過呼虎賁曰執天子器何故投

於地虎賁怖即攝弓穆劾奏虎賁抵罪公卿皆慙曰朱  
御史可謂臨事不惑者也後漢書楊政傳政從范升

受易升繁獄政候車駕持章救升  
虎賁懼驚乘與舉弓射之不肯去

疊挽四弓 雙帶

兩韃

三國典畧曰齊綦連猛有勇力梁使來聘有武藝  
人求欲相角猛帶兩韃左右馳射併取四弓疊而

挽之梁人嗟服後漢書曰董卓  
臂力過人雙帶兩韃左右馳射

射六百步 挽三

百觔

國策蘇秦說韓宣王曰今韓地方千里帶甲數十  
萬強弓勁弩皆射六百步之外宋史岳飛生有

神力未冠挽弓  
三百斤弩八石

四人持弓 萬人操弓

崔豹輿服注  
曰西漢京兆

河南尹及執金吾司隸校尉皆使人引導傳呼行者止  
坐者起四人持角弓走者射之有乘高闕者亦射之晉  
魏設弓而不用焉呂氏春秋曰萬人  
操弓共射一招招無不中招的也

挽兩石弓 佩

四石弓

唐書張宏靖曰天下無事而輩挽兩石弓不如識一丁字 玉海曰梁杜蕤佩四石霜明朱弓

壓身檀弔

桃文桑質

又曰熙寧元年大內副都知張若水進所造神臂弓初民

李宏獻此弓其實弩也以壓為身檀為弔 李嶠詠弓詩曰桃文稱辟惡桑質表初生

貯之別

庫藏之武庫

玉海曰大觀二年御筆謂神臂弓射遠攻堅所向無前可謂利器使敵人習而

能之非中國利令民間不得習製出師教射絨於匣貯之別庫 唐書秦王建天策府其弧矢制倍於常後餘

大弓一藏 之武庫

疾不可執

寒不能張

子濯孺子曰今日我疾作不可以執

弓 唐書突厥毗伽可汗默棘連掠涼州都督楊敬述使官屬盧公利元澄等勒兵討之澄令於軍曰羸臂持滿外注會大寒裂膚士手不能張弓矢由是大敗

以竹為弦

以藤為弦

海錄

碎事曰附國即漢之西夷也用弓長六尺以竹為弦  
桂海虞衡志曰海南黎人所用長梢木弓以藤為弦箭

長三尺無羽鏃長五寸如茨菰葉以  
無羽故射不遠三四丈然中者必死  
執弓延射 彀

弓持滿 孔子射於矍相之圃使子路執弓矢出延射  
周亞夫傳上自勞軍至細柳軍士吏被甲銳兵

刃彀弓彀持滿天  
子先驅至不得入  
造克敵弓 製強勁弓 紹興初韓世忠造克

敵弓斗力強勁 吳璘製強勁  
弓強弩號駐隊矢或為神臂弓  
造弓原析幹 相角

周禮凡析幹射遠者用勢射深者用直 凡相角秋綱  
者厚春綱者薄角欲青白而豐末角之中恒當弓之畏

畏必撓撓欲其堅角長二尺五  
寸三色不失理謂之牛戴牛  
環濶 彀摩 謂弓之

丈如環然 彀拂也將用  
弓必先調之拂之摩之  
寒莫體 氷析濶 周禮寒  
莫體則

張不流莫讀為定至冬膠堅內之藥中定往來體又  
云冰析澗則審環注大寒中冰盛之時於藥中復內之  
析其漆澗其漆之澗  
環則定後不鼓動  
張如流水 為之以時 言無難易材

美工巧為之時謂之參均角不勝幹幹不勝筋  
謂之參均量其力有參均均者參謂之九和

往來

之體 安危之名

弓有往來之體謂控弦之淺深安  
危謂弓之體性遲速也安遲也危速

也

莫能深中

莫能愿中

人安弓安矢安則莫能以  
速中且不深注三舒不能

疾中且不深也  
慙也三疾不能慙而中言矢行疾而過去也俱周禮

人危弓危矢危莫能以愿中注愿

和既乖於巧者

射乃爽於臧弓

弓四

增引弓虛發

國策更盈謂魏王曰臣為君引弓虛發而下鳥有間鴈從東方來更盈以虛發而下

之曰此孽也其飛徐而鳴悲故瘡未息而驚心未去聞弦者音烈而高飛故瘡墮也

挂扶桑

荆楚

故事曰楚襄王謂宋玉曰能大言乎玉曰彎弓挂扶桑

五百弓

西域記曰鼓小者聞五百弓注

一弓長五肘五百弓二里半也

腰鞬兩弓

唐太宗征遼東薛仁貴白衣腰鞬兩弓呼而馳

射鵰吸

韓愈聯句詩曰開弓射鵰吸

拓兩石弓有餘力

通鑑宋紀曰李繼遷

遣押衙張浦以良馬索駝來獻帝令衛士射於後園俾浦觀之士皆拓兩石弓有餘力

為引滿

勢

宋史范恪取焦蒿若殿後為數千騎所襲視矢箠止有二鐙即為引滿勢賊遽卻

弓五

增賦唐李太白獵賦曰彎落月之弓 宋吳淑弓賦曰

六材七幹之妙三均九和之美繡質良材烏號徑理晉  
平七札顏高六鈞麟膠棘竹燕角楚筋

原詩後梁宣帝詠弓詩曰虞人招不進繁氏夕彌工已  
悲軒主跡復挹楚王風 增梁劉孝綽詩曰尚逢王吉

箭猶嬰后羿弓 陳後主詩曰擊鐘蒲壁磬鳴弦楊葉

弓 徐陵詩曰將軍擁節起戰士夜鳴弓 北周王褒

詩曰森沈羽林騎肅穆虎賁弓 原唐太宗詠弓詩曰

上弦明月半激箭流星遠落鴈帶書驚啼猿映枝轉

增又曰落野飛星箭弦虛半月弓 原楊師道奉和詠

弓詩曰霜重麟膠勁風高月影圓鳥飛隨帝輦鴈落逐

鳴弦 增李嶠詩曰弓鳴蒼隼落 盧照隣詩曰琯弓

夜宛轉 辛常伯詩曰向月彎繁弱 楊炯詩曰烏號

明月弓 杜甫詩曰將軍膽氣雄臂懸兩石弓 又曰

鳴弓射獸能 又曰三尺角弓兩斛力 李白詩曰彎

弧懼天狼挾矢不敢張 又曰彎弓綠弦開滿月不憚



堅 劉禹錫詩曰拜舞戢桑弓 韋應物詩曰春秋方

壯雄武才彎弧叱浪連山開 宋黃魯直詩曰上黨良

家子挽強如屈肘 曹翰詩曰臂健尚嫌弓力軟眼明

猶識陣雲高 明陸居仁楚人弓詩曰楚人弓懸兩石

五十萬矢陷強敵絳人弓箭三隻長歌入關成偉績多

箭不如少箭力制敵若在弓矢間鳴條牧野高於山

原銘後漢李尤良弓銘曰弓矢之作爰自曩時鄉射載

禮招命在詩妙稱顏高巧發晉師一作由基不爭之美亦以

辨儀 晉嵇含木弓銘曰烏號之樸豐條足理弦弧走  
括截飛駭止射隼高牆出必有擬既用禦武亦以招士  
增宋神臂弓銘曰呂嚴羽衛蘭錡設張欽飛共服洞  
札穿楊呂肅戎容材官效技電激星流敵膽摧褫大黃  
誇漢伏遠耀唐豈若茲弓制作之良

增勅宋蕭思話為梁州太祖賜以弓琴手勅曰丈人頃  
何所作事務之暇故以琴書為娛耳前得此琴今以相  
借并往桑弓一張材理乃快先所常用既久廢射又多

病畧不能制之便成老公令人歎息良材美器宜在盡用之地丈人真無所與讓也

增牋晉劉琨與丞相牋曰不得進軍者實困無食殘民鳥散錄石之日皆披林而至衣服藍縷木弓一張荆矢十雙

原啓齊王融謝武陵王賜弓啓曰殿下摘藻蕙樓暢藝蘭苑敷積玉於風筵疊連珠於月的兔園掩秀鄴水慚奇融揖讓未工濫陪升飲之賞操弧反正謬奉招賢之

錫文韜鏤景逸幹捎雲玩溢百齡佩流千載

御定淵鑑類函卷二百二十五